



This September call Australia, China, India, Malaysia & Philippines

Use your Telikom Prepaid Land line, Fixed Wireless Phone and Clifton.

24/7 Customer Care: Call 345 6789 or www.telikompng.com.pg



K781.8m mani plen Gavman skelim winmani bilong inapim ol tok promis...

Neville Choi i raitim

RON bilong O'Neill-Namah gavman i go painim ileksen 2012 i strong moa nau, wantaim tok oraitim bilong K781.8 milian Saplimenter i mani plen bilong en.

Minista bilong Tresari na Fainens, Don Polye, i kolim dispela saplimenter i mani plen, olsem wanpela mani plen bilong redim ol yangpela bilong kantri, na strongim bek bilip bilong pipel.

Saplimenter i baset, we i pulim mani mak inap long K116 milian long sampela ol projek olpela gavman i bin sanapim, bai strongim ol bikpela tok promis gavman i givim long kantri taim em i kisim pawa.

Bihainim olgeta tok em i mekim i kam inap nau, O'Neill-Namah gavman i no abrus long strongim edukesen long apim savemak bilong pipel long kantri.

Gavman i makim K305 milian long Edukesen. Long dispela, K300 milian bai go long baim skul fi i go inap gret 10, na K5 milian bai go long Yunivesiti bilong Papua Niugini.

Long Helt, gavmani skelim K109.5m bilong strongim bek ol distrik ruel helt senta, stretim bek ol provinsel haus sik, na strongim wokbung wantaim ol sios helt ejensi.

Long Infrastraksa o rot na bris sekta, K230.8 milian i stap bilong stretim olgeta mausrot long kantri, olsem ol ples balus na sip bris. K72 milian bai go long stretim ol rural distrik rot.

Ol polis, difens na koreksenal sevis bai kisim K20 milian long stretim ol haus slip na bareks bilong ol.

Agrikalsa i wanpela long ol bikpela luksave bilong gavman, na ol i makim K22 milian long

strongim wok agrikalsa long bikpela namba ol fama manmeri long ples.

WIN MANI BRUK OLSEM:

Edukesen	K305m;
Helt	K109.5m;
Infrastraksa (rot na bris)	K230.8m;
Loa na Oda	K20m;
Agrikalsa	K22m; na
Ol arapela Kontrak Wok	K94.5m.

WINIM SAMPLA LO K200,000 INDEPENDENCE

FRI KREDIT

Yusim Digicel fon blo yu na u inap go insait lo resis lo Winim Fri Kredit!



Yusim Digicel mobail blo yu long mun septemba na yu nap winim fri kredit. Planti Fri Kredit lo winim! Ofa bai pinis lo 30 septemba 2011.

Digicel

Digicel Terms na kondiseni stap insait pinis.

Insait

LUKIM MOA SAPLIMENTARI BASET NIUS INSAIT:

- P2 – Gavman rausim mani long ol projek i sindaun nating
- P3 – Mani bilong stretim rot ken strongim wok bisnis
- P3 - Fri edukesen bilong kantri long 2012



Mackerel
IN NATURAL OIL

Em pis ol bubu i save laikim bipo tru. I kam bek nau! "Yu mas train na bilip"



I kam wantaim Tomato na Oil

Gavman rausim mani long ol projek i sindaun nating

SEVENPELA bikpela projek we olupela gavman i bin makim insait long baset bilong dispela yia, tasol i nogat wok i kirap long ol yet nau bai nogat.

Manimak inap long K116 milian bilong dispela 7-pela bikpela projek we bipo gavman i bin laik kirapim, nau gavman i bungim wantaim insait long saplimentari baset bilong en.

Fainens na Tresari Minista, Don Polye i tokim Palamen

aste, olsem ol dispela projek i no lukim kirap bilong teknikal wok long ol yet.

Ol dispela projek em:

- Ol Nesenel I.D. kat K30 milian;
- Kisim ol dokta bilong Kuba (Cuba) long kam wok long PNG K25 milian;
- Strongim ol 'Ekonomik Korrupsion' (PRAEC) K17 milian;

- Wok promotim ol polisi bilong gavman K15 milian;
- Nesenel Hausing Komisen Hausing Dvelopmen Program K15 milian;
- Pablik Sekta Hausing K10 milian; na
- Pasifik Medikal Senta K4 milian.

Mista Polye i tokim palamen sapos gavman i no yusim ol dispela mani i sindaun long ol tras akaun long kirapim ol dispela projek, bai ol i nogat moa strong aninit long Pablik Fainens (Menesmen) Ekt.

Em i tok long dispela as tasol, na gavman i rausim mani long ol dispela projek long strongim ol arapela wok progrem bilong en i go painim 2012.

Gavman bai givim moa mani long polis

Veronica Hatutasi i raitim

GAVMAN bai givim moa mani long stretim ol polis bareks long kantri na tu, apim mak bilong ol manmeri long polis fos, Intenel Sekyuriti Minista, John Boito i tok.

Minista Boito i bekim askim bilong gavana bilong Nesenel Kapitel Distrik, Powes Parkop, i tok.

Gavana Parkop i bin putim sampela askim i go long Minista Boito na moa man na meri i

kamap ol polis lain i wanpela long ol, long wanem, populesen insait long siti i wok long go antap tumas na i gat nit long moa polis manmeri long lukautim loa na oda na ol narapela wok na hevi long siti we i laikim ol polis i stap na stretim long en.

"Wantaim populesen long Mosbi siti i stap namel long 600 na 700,000 pipel, i gat nit long kisim na trenim moa polis man na meri i go insait long polis fos na kisim moa polis manmeri long lukautim siti. Dispela 1,000

polis manmeri i lukautim siti i no inap," Gavana Parkop i tok.

Em i askim Minista Boito long gavman bai mekim wanem samting nau o sapos em bai katim moa mani long helpim polis fos long sait bilong kisim moa woklain, stretim na bilding moa haus bilong ol polis manmeri na sapos gavman bai putim moa mani long wokim ol dispela samting.

Gavana Parkop i bin tok i gat nit long wokim wanpela polis bareks insait long siti we ol polis

manmeri i gat wok long lukautim siti na ol famili bilong ol i ken stap long en.

Taim Minista Boito i tok long nau, kantri i gat 5,000 polis manmeri, nau gavman i luk-save long sot bilong ol polis manmeri na nit kantri i gat long en.

Na olsem, em i wok long kisim 240 manmeri i go long polis trening inap em i trenim 1,000 nupela polis manmeri moa.

Jiwaka kisim taim long mariwana

Bustin Anzu i raitim:

TINGTING bilong wanpela man long nupela provins Jiwaka long senisim mariwana wantaim gan long Westen Provins i no kamap gutpela na em bai kisim taim na stap long haus kalabus long ples bilong em yet.

Dispela yangpela man i bin laki tru na abrusim sekyuriti long ples balus na karim dispela smok nogut i go tasol longpela han bilong gavman i nekim en na salim em i go long kot.

Alkan Du, husat i gat 32 krismas, em bilong ples Tombil long Minj, Jiwaka provins i sanap long distrik kot bilong Kiunga long Westen Provins long dispela wik, long karim ol spak smok mariwana na salim long Kiunga taun.

Kiunga distrik kot i painim olsem Du i asua na karim 1.5 kilogram mariwana long ples bilong em Tombil long Minj na karim i go long Kiunga.

Dispela pasin Du wokim em i asua na kot i no inap kisim ol tok sori bilong Du na slaim em i go long tupela yia kalabus.

Narapela wan trabel bilong em Andrew Mili bilong ples Kotali long Balimo, Westen Provins tu i kisim wankain mekim save olsem Du.

Mili, husat i gat 32 krismas, i marit na i gat tupela pikinini. Em i kamap olsem ejen bilong Du na salim spak smok long Kiunga taun.

Ol seksen wan memba bilong Lae Mobail Skwat (MS 13), husat nau i stap long Tabubil na Kiunga long spesol polis oporesen i tok Du i laik salim ol dispela smok long senisim wantaim gan.

Tasol dispela tingting i no kamap gut na taim i longpela na Du i gat tingting long go bek long ples bilong en hariap. Olsem na em i givim ol mangi long salim long Kiunga.

Taim ol Seksen Wan memba i painim smok 8-pela pe paket en-

velop wantaim mariwana na narapela 13-pela rol smok long han bilong Mili na askim em long ol smok i kam long we, em i kisim polisman i go long ples we Du i bin stap long en.

Long Du, polis i painim samting olsem 1. 2 kilogram i stap insait long wanpela 10kg rais beg.

Du i tok em i kisim ol dispela smok long ples bilong em long Minj na giamanim na haitim ol dispela smok long sekyuriti bilong Kagamuga ples balus na karim i go long Kiunga.

Ol polis i tok sampela bilong ol dispela smok em ol i salim pinis long Kiunga, na sapos ol i bungim olgeta mariwana na salim, ol bai kisim olsem K12, 000 long salim long strit.

Du bai go bek long Minj na stap long Baisu haus kalabus na ejen bilong em long salim smok mariwana Mili bai go stap tupela yia long Ningrum haus kalabus, long Westen provins yet.

Du na Mili i pasim ol smok nogut gut tru. Ol dispela i stap insait long ol liklik yelopela paus pepa, em ol i salim long K20 long wanpela paket na narapela ol i rolim na Mili go salim em K5 long wanpela rol.

Polis i tok planti kain smok nogut em ol i salim long olgeta hap insait long Tabubil na Kiunga na samting olsem 60-pela em polis i holim ol na sasim ol na ol i kisim taim pinis.

Sapos ol seksen wan memba bilong MS 13 i no sekim Mili na Du, tupela bai mekim bikpela lap long polis na tok, "ol i no fit."

Du bai amamas long giamanim ol sekyuriti long ples balus na kisim ol mariwana i go long Kiunga, na Mili bai amamas olsem em bai gat sampela narapela mani long sait tu.

Tasol dispela driman bilong tupela em bai tupela i stap long banis kalabus na tingim wokabout bilong tupela.

TELLupdate



Telikad as a Rait Card

Telikad is a calling card that can also be used as a top-up card for both prepaid voice & data accounts just like the Rait Prepaid card.

But once it is used as a calling card on any Telkom Fixed Line service, Fixed Wireless Phone or public phone service it then cannot be used as a Top - Up card.

Telikad is sold in K5, K10, K20, K50 and K100 denominations at all Telkom Business Offices and Retail Outlets across the country.

How to Top - Up for Voice and data accounts

With Telikad being used as a top - up card, you can recharge your Telkom EVDO internet dongle, Wimax, Fixed Wireless Phone and Cnifon accounts

Voice Account

1.

Dial 1255 then follow voice prompts

2.

Select 2 to recharge your account

3.

Press 1 for voice account

4.

Press 2 to recharge using Telikad

5.

Enter your card number followed by the # key

6.

Enter your phone number followed by the # key.

Data Account

1.

Dial 1255 then follow voice prompts

2.

Select 2 to recharge

3.

Press 2 to recharge Data account

4.

Press 2 to recharge using Telikad

5.

Enter your user number followed by the # Key

6.

Then enter your prepaid card number followed by the # key

Credit Transfer

Having used your Telikad as Top-Up card you then have the option of transferring credits to another phone or an internet data account.

1.

Simply dial 1255 and follow voice prompts.

2.

Select option 3 on the main to transfer credits

3.

Enter the amount you wish to transfer to another prepaid account followed by the #key.

4.

Enter prepaid number you intend to send the credits to followed by the # key

Customer Care

For more information, call Telkom PNG's 24/7 Customer Care on 3456789.



Manwau no amamas long Is Sepik gavman

WOK painim bai go long Is Sepik gavman long rot em i mekim long no givim luksave long gavman we kantri i sanapim aninit long loa.

Taim Praim Minista Peter O'Neill i tokaut long dispela, em i askim ol pipel long Is Sepik long wok bung wantaim na givim luksave long nau i stap gavman.

Mista O'Neill i wokim dispela toktok bihainim wari bilong memba bilong Wewak, Dokta Moses Manwau, husat i tok Is Sepik provinsal gavman i no bin givim luksave long nau gavman na i no bin askim em tu long stap insait long ol indipendens de selebren bilong ol long Wewak taun.

"Wanem samting yumi wok long lukim nau, kantri i wok long bruk? Na bai gavman i wokim wanem samting long ol pablik sevan husat i no givim luksave long nau gavman na ol lida aninit long dispela gavman?" Dokta Manwau i tok.

Minista O'Neill i bin tok em i sori samting long lukim olsem ol lida long Is Sepik i no givim luksave long wanpela narapela na i givim wansait lukluk long laip, tasol em i gutpela long lukim olsem pipel long olgeta hap bilong kantri i bin amamas long stap yunaitet na holim ol gutpela 36 yia selebren.

Mani bilong stretim rot ken strongim wok bisnis

O'NEILL-Namah gavman i go het long stretim bek ol rot long ol distrik na busples bai em i ken opim rot bilong ol liklik manmeri long ples long mekim wok bisnis.

Gavman i skelim K72 milian insait long Saplementari baset bilong en bilong ol Rurel Distrik Rot na suvim sevis i go insait long 80 pesen long olgeta manmeri long kantri, husat i stap sindaun long ol distrik na liklik busples.

Fainens na Tresari Minista, Don Polye i tok olsem gutpela sindaun bilong agrikalsa na risos sekta, bai opim moa rot bilong bisnis insait long ol provins.

Olsem na gavman i makim K50 milian bilong ol provinsal rot, na K30 milian bilong ol Pot Mosbi rot.

Fri edukesen bilong kantri long 2012

FRI Edukesen program bilong gavman bai kirap long 2012, wantaim halivim bilong K305 milian em i skelim insait long saplementari baset bilong en, dispela wik.

Bikpela manimak inap long K970, em i bilong inapim olgeta skul fi (bilong boding skul tu) long 2012.

Tasol dispela K300 milian gavman i skelim, bai go pas long stretim kirap bilong skul yia long 2012.

Dispela bai lukim manimak bilong edukesen bilong 2012, i kam daun long K670 milian.

"Mista Spika, K970 milian em bilong skul fi long elementeri i go long gret 10, na 75 pesen bai go long ol subsidi bilong ol gret 11 na 12 na vokesenal edukesen. Tasol em i no karamapim kostim bilong moa haus slip bilong ol tisa, na ol arapela infrastraksa o bilding olsem ol klasrum na arapela skul samting," Mista Polye i tok.



Kapul soim kala NETSA man (Nature Man) em i wanpela stail mangi husat i bin kamaut na soim gut tru kala bilong Papua Niugini stret long makim namba 36 bonde bilong kantri bilong yumi.

Dispela tupela yangpela wantaim ol poro bilong ol i bin bilasim gut Nature Man na kisim em raun long Jack Pidik pak las wik Sarere, taim Wantok Niuspepa potograpa ANDREW MOLEN i bungim ol.

Polis sasim Zarriga, Tiensten hait yet

Neville Choi raitim

POLIS i sasim pinis bipo ekt-ing sekreteri bilong Dipatmen bilong Nesenel Plening, Rubby Zarriga, long Tunde dispela wik, na nau gavman i muv long kisim bek bipo minista bilong Nesenel Plening, Paul Tiensten i kam bek long kantri long sasim em.

Ol i sasim Zarriga long mis-

apropriesen o pasin paulim, aninit long seksen 383 A(1) na Konspirasi long Paulim mani bilong kantri aninit long seksen 407(1) bilong Kriminal Koud.

Ol sas i bihainim aplikesen bilong ol developmen mani i kam aut long Nesenel Plening Dipatmen.

Polis i bin holim Zarriga na lokim em long Boroko rum gat pastaim long ol i lusim em long

K1,000 beil.

Em i sanap kot pinis na beil bilong en bai stap yet inap em i kamap gen long kot.

Siaman bilong Investigesen Tas Fos Sweep, Sam Koim, i tok ol i wok long wokbung wantaim Intapol na ol ovasis gavman na polis, long kisim Mista Tiensten i kam bek long kantri.

Polis i laik toktok wantaim Mista Tiensten, tasol em i bin

abrusim ol long Kokopo ples balus, i kam long Mosbi, na bihain i go aut long kantri.

Long Tunde, i gat tokwin olsem Mista Tiensten i bin ronawe i go long Caymen Ailans, tasol tasfos i tok ol i wok long sekim gut wanem hap memba bilong Pomio i stap, na kisim em i kam bek long bekim ol askim bilong tasfos.

Wari long pipia bilong Freida

Veronica Hatutasi i raitim

OL WOK stadi i go het yet long rot we Freida gol na kopa main long Telefomin boda eria namel long Is na Wes Sepik, bai tromeim ol pipia bilong main long en.

Tasol gavman bai kisim ripot long dispela insait long 5-pela mun i kam.

Minista bilong Envaironmen

na Konsevesen, Thompson Harokaqvek, i bekim askim bilong Telefomin Open memba, Peter Iwei, na i tok olsem.

Mista Iwei i autim wari bilong ol pipel bilong em long bagarap we pipia bilong maining long Freida i ken kamapim long ol wara, bus na graun taim wok maining i stat.

Mista Iwei i givim piksa bilong Ok Tedi kopa na gol main long

Westen provins we maining i bagarapim bikpela Wara Flai, em as bilong laip na kaikai bilong ol pipel long provins stat yet long taim bilong tumbuna.

Na em i no laikim dispela i kamap long Wara Sepik, em wanpela long ol bikpela wara we Mista Iwei i tok ol developa bilong Freida Main i lukluk long tromeim ol pipia bilong main long en.

Minista Harokaqvek i tok kam-pabi i bin givim namba wan ripot long tromeim ol pipia bilong main long Oktoba 2009, tasol wok stadi long dispela bai redi insait long 5-pela mun in kam.

Em i tok ol toktok i go het yet na sip i karim ol pipia bilong main na tromeim i wanpela rot ol i lukluk long en.



Gavman rausim OBE

...RESI mani bai go aut neks wik

Veronica Hatutasi i raitim

AUTKAM Beis Edukesen (OBE) i raus pinis insait long edukesen sistem na ol skul long PNG, Palamen bung long namba wan de long dispela wik Tunde i tokaut long en.

Nupela gavman bilong O'Neill na Namah i wokim disisen bilong rausim OBE bihain ol i glasim olsem em i no kamapim gutpela samting long apim level bilong skul long ol pikinini bilong dispela kantri.

Stat yet long gavman i bin putim OBE insait long nesenel edukesen sistem bilong dispela kantri moa long 10-pela yia i go pinis, planti komplek i kamap long pablik, ol papa-

mama na planti ol tisa yet, olsem OBE i no wok gut tasol i wok long bagarapim skul bilong ol pikinini.

Planti papamama i no wanbel long ol pikinini i kisim lainim long tokples long Elementeri level long wanem, taim ol i go long Gret 3 na antap, ol i no klia o save gut long tok Inglis.

Olsem na ol i laikim bai gavman i rausim OBE na putim bek olupela sistem we ol tisa i save lainim ol sumatin long Tok Inglis long Elementeri level na i go antap.

Edukesen Minista, Theodore Zurenuoc, taim em i bekim askim bilong pastaim Edukesen Minista na Tari-Pori memba, James Marape, husat

i bin laik save sapos K70 milien RESI mani i stap yet olsem em bin lusim dispela manimak moa long wanpela mun i go pinis taim nupela gavman i go insait.

Minista Zurenuoc taim em i tok amamas long gutpela wok we Mista Marape i bin wokim na apim level bilong edukesen long kantri taim em i Edukesen minister long pastaim gavman.

"Humen risos (HR) na ol pikinini i kisim gutpela skul na kisim wok i bikipela samting. Na sapos dispela i kamap gut o nogat, em (HR) bai bildim o brukim kantri," Mista Zurenuoc i tok.

Em i tok O'Neill na Namah gavman i givim fri edukesen

long kantri na bai katim ol risos o mani long lukim olsem dispela i kamap na i no toktok nating tasol.

"Fri edukesen bai kamap na OBE i go aut. I gat ol salens i stap long Edukesen sekta mipela bai traim long stretim long sotpela taim tasol. Ol samting olsem liv pe bilong ol tisa, ol skul infrastraka o bilding na moa," Mista Zurenuoc i tok.

Em i tok tu olsem K70 milien RESI mani i stap yet na ol i lukluk na glasim long stretim na tilim i go long ol skul bai kisim ol mani, bihainim ol rikwes na sabmisen neks wik.

Tasol em i tok olsem nupela gavman, ol bai glasim gut gen lista na long neks wik Fraide, ol bai redi long salim ol RESI mani i go aut long ol skul.



Bikpela pes long wok tisa long Madang, Paul Kambual.

Poto: James Kila

Kambua lusim wok tisa bihain long 20 yia

James Kila i raitim

WANPELA bikipela pes long wok tisa insait long Madang taun, we planti olupela sumatin bilong Holi Spirit prameri skul na Luteran De praimer i save gut long em, i lusim wok tisa bihain long 20-pela yia.

Dispela bikipela pes na stail tisa em Paul Kambual.

Planti poroman i save kolim em "PK" na em wanpela tisa we i save laikim ol sumatin bilong em i amamas oltaim long pilai spot na mekim ol gutpela ausait wok na tu, wok insait long klasrum.

Planti sumatin save tok olsem Mista Kambual em man bilong stori na toktok stret na tok-pilai tu i pulap long poket bilong en.

Mista Kambual em i bilong ples Amiten insait long Malala eria long Bogia distrik long Madang provins.

Mista Kambual i gat gutpela rekot long givim gutpela edukesen long planti ol sumatin, husat nau i stap long ol bikipela skul

olsem yunivesiti na kolis insait long kantri.

"Mi amamas long wok tisa bikos mi lukim ol sumatin mi tisim ol i go long bikipela skul na sampela i wok na helpim kantri bilong yumi i go het," Mista Kambual i tok.

Paul i bin pinisim haiskul bilong em long Malala Katolik Haiskul long Bogia distrik long Madang provins long 1987 na i bin go skul long wok tisa long Holi Trinita Tisa Koles long Maunten Hagen.

Bihain long em i pinisim tisa trening, em i statim wok tisa long Holi Spirit praimer skul long Madang taun long 1990. Bihain long Holi Spirit, Mista Kambual i go tis long Luteran De we em i stap 8-pela yia olgeta. Long yia 2010 bagaros ya i go kamap olsem het-tisa long Kamba prameri skul long maunten bilong Not Ambenob.

Bagaros ya i marit long Manus provins na em wantaim famili i save stap long Nabasa Strit long Madang.

Redi long kamap gutpela ambaseda bilong PNG

ASKIM i go long wanpela Tet Yia Politikel Saiens meri sumatin bilong Yunivesiti bilong PNG (UPNG), Roselyn Maso, long redi long skruim lainim bilong em long olgeta eria bilong laip, skul, kalsa na wok long Japan.

Sumatin Maso i gat 21 krismas bilong Galp provins na i kisim tokples Japan olsem wanpela sabjek long wok stadi bilong em, i bin lusim PNG long las wik olsem wanpela senis sumatin i go long Waseda Yunivesiti long Japan.

Long tok gutbai long em, Vais Sansela bilong UPNG, Profesa Ross Hynes, i bin strongim Mis Maso long lainim politiks bilong Japan na long wankain taim tu, lainim ris kalsa bilong Japan.

Profesa Hynes i bin tok teknoloji na ol nupela senis i save kamap hariap we Japan i gat bikipela nem long go pas long en, i wanpela eria we Mis Maso i ken lainim planti long en.

Leksara Masaki Tachiki i bin tok Mis Maso i gutpela long Japan tokples kos, tasol i moabeta long mekim moa pren long Japan long wanem, ol bai helpim em long skruim save bilong em na sampela bai kamap ol gutpela poroman bilong em long laip.

Mis Masi i bin tok em bai traim het long mekim gut long skul wok na tu, kamap gutpela ambaseda bilong PNG.



Yut, Meri na Famili wantaim Lorraine Siraba

Wol populesen i sanap long 7 bilion

LONG Oktoba dispela yia, populesen o kaunim bilong manmeri na pikinini long wol bai sanap long 7 bilion mak. Long wol we i gat 7 bilion pipel, rot yumi stap wantaim na sapos em i go gut o nogat, i stap long ol disisen yumi wokim tude long en.

Populesen i wok long groa long mak bilong 78 milion pipel olgeta yia. Dispela em mak bilong populesen bilong Kanada (Canada), Australia, Gris (Greece) na Potugel (Portugal) i bungim wantaim. Ol tet wol kantri o ol liklik kantri i stap bihain long developmen em ol dispela kantri tasol we moa populesen i wok long kamap olgeta yia winim ol narapela. Olsem na taim yumi inves o putim mani long helpim ol yangpela pipel, bai yumi daunim turangu pasin, na ol famili i ken wokim gutpela plen-ing na bai olgeta i gat wankain sans.

PNG i mas promotim wok long daunim sais bilong famili. Dispela em bikos planti famili nau i painim hat tru long stap insait long ol taun na ruel eria wantaim bikos prais bilong olgeta samting i wok long go antap. Kikbek long dispela em, ol pikinini i go turangu moa, planti yangpela i nogat wok, planti i no save long rit na rait, moa pipel i wok long kam stap insait long ol taun nap les i pulap stret.

I gat moa yangpela pipel long wol tude olsem histori bilong wol tude i soim long en we klostu hap long wol populesen em ol yangpela pipel. Moa long 3 bilion em krismas bilong ol i stap aninit long 25 yia na 85 pesent mak long dispela em ol i stap long ol liklik kantri i bihain long ol wok developmen. Long Pasifik rijen, ol yut i bungim planti salens long wanem, ausait pasin bilong ol waitman na kalsa bilong yumi yet long PNG i stap namel long ol na ol i mas glasim long wanem bai ol i bihainim.

Long PNG, hap long populesen em ol yangpela pipel. Em ol dispela lain bai wokim ol bikipela disisen bilong kantri, kamap ol komyuniti lida na ol sitisen i wok long developim kantri long gutpela bilong ol yet na kantri. Ol dispela yangpela bai wok long bihain taim bilong kantri aninit long ol kain salens olsem sot long samting na turangu pasin, HIV na AIDS, vailens agensim ol meri, no kisim gutpela skul, hevi long nogat wok na klaimet i senis.

Rot we ol samting i go long en tude i tokim yumi olsem moa pikinini i no go long skul bikos i nogat inap skul, ol yangpela i nogat sans long go hetim skul bilong ol long wanem, i nogat inap teseri skul. Na wantaim nogat planti sans long wok, planti yangpela i stap nating na ol i wokim spak pasin, kisim spakbrus na hevi long loan a oda i kamap na go bikipela.

Yumi ken kamapim sampela senis na mekim PNG i gutpela ples na rot long bihainim em long stat long yumi yet. Pastaim, plenim hamas pikinini bai yumi gat long en inap long yumi bai lukautim wantaim mani na ol risos yumi gat long en long lukautim ol.

Bikpela samting em long lukautim gut pikinini, laikim n a mekim ol i pilim olsem ol i hap long famili we bai lukautim ol tai mol i sik, putim na lukautim ol long skul na gutpela stap insait long famili bai kamapim ol gutpela man na meri bilong dispela kantri. Dispela em ol samting we planti ol pikinini i raun nabaut na ol i nogat ples na famili long go long en i laikim long en.

6-pela helt awod long luksave long ol niusmanmeri

Veronica Hatutasi i raitim

BAI gat 6-pela nupela helt awot long 2011 PNG Media awot long dispela yia na askim i go aut long ol niusrum na ol nius ripota long mekim ol wok redi long awot nait bai kamap long Disemba 2, 2011.

Tasol detlain de bilong givim ol wok na komiti bai glasim em Fraide, Oktoba 29, 2011 na 5-pela wik tasol i stap.

Wol Helt Ogenaisesen (WHO) na PNG Media Kaunsel (PNGMC) i bin tokaut long dispela samting insait long tupela de woksop las wik.

Long ol narapela yia, i save gat wanpela awot long helt seksen na i save go long ripota i wokim gutpela ripot long ol helt isu long PNGMC awot nait.

WHO na PNGMC i bin mekim klia

long woksop olsem long dispela yia, 6-pela WHO helt ripota awot bai go olsem: Long Prin midia, wanpela ripota bai kisim awot long bes helt nius stori na narapela long bes helt fitja o laipstail atikel. Wankain long Redio we bes nius ripot na narapela em long bes fitja o dokumenteri, taim long Televisen em i wankain.

WHO i go strong long sapotim ol awot bikos em i laikim bai ol ripota i raitim ol stori long ol helt isu bikos helt em i wanpela bikipela eria we PNG i no wokim gut long en skelim wantaim ol narapela kantri long Pasifik rijen.

Na raitim gut ol stori i ken helpim long sait bilong pablik awenes na long mekim gavman na ol helt atori i mekim samting long putim moa risos, stretim ol helt bilding na sevis i ken go gut long ol ruel na eben eria wantaim.

Praim minista kisim blesing

PRAIM Minista bilong Papua Niugini, Peter O'Neill, i bin kisim blesing long mekim wok bilong em long kantri.

Het Bisop bilong Evanjelikel Luteran Sios long Papua Niugini (ELC-PNG), Reveren Bisop Gegere Wenge, i go pas long wok bilong givim blesing na putim praim minista long wok long Sen Paul's Luteran Sios long Lae long las wik Sande.

Distrik presiden bilong ELC Yabem distrik, Reveren David Dani, i helpim Bisop Wenge long mekim dispela wok. Dispela i bihain long praim minista i bin kam long Lae long selebren bilong 36 yia Indipendens de long las wik Sarere.

Het Bisop i tok em i amamas olsem praim minista i luksave olsem long mekim gut wok na lukautim manmeri long dispela kantri, God yet inap givim gutpela tingting na save long mekim olsem.

Em i tok sios na gavman em God yet i putim long helpim pipel bilong em. Olsem na olgeta taim, yumi mas putim God i stap namba wan long wok na laip bilong yumi.

Paris pasto, Gerry Magiri, i



Praim Minista Peter O'Neill i sanap long ai bilong ol lida bilong sios na gavman na ol Kristen na long ai bilong God long kisim blesing bilong wok.

go pas long autim tok bilong God long dispela taim.

Pasto Magiri i tok olgeta Kristen wanwan mas luksave gut tru long dispela pikinini bilong God husat i sevia bilong yumi.

Em inap helpim yumi long

gat gutpela tingting na mekim stretpela pasin.

Em i tok planti kainkain loa na oda hevi na korapsen i wok long kamap namel long ol save manmeri bilong dispela kantri bikos ol i no save long Jisas yet.

Ol bikman bilong gavman i stap long dispela taim na witesim dispela blesing na instolesen wok kamap em, Lucas Dekena, Minista bilong Lens, Bart Philemon em Minista bilong Pablik Sevis, Bob Dadae em pastaim Defens minista; Manasupe Zurenuoc, Sif Sekreteri bilong gavman, Tukape Masani em pastaim MP, Ol dipatment het bilong Luteran Sios na Morobe Gavman na plant arapela tu.

Bihain long Instolesen sevis, Praim Minista O'Neill i tokaut long gavman bilong em bai strongim wok patnasip namel long olgeta sios na gavman.

Em i tok, long planti hap long kantri we gavman sevis i no go long en em ol sios i stap na mekim bikipela na gutpela wok namel long ol manmeri. Yumi toktok planti inap, nau gavman bai helpim sios long mekim ol dispela gutpela wok i go bikipela yet.

Nau yet praim minista i komitim K1 milien i go long helpim na kamapim Luteran Nesenel Pasto Konfrens bai kamap long Mosbi namel long de 25 – 30 long dispela mun.

Bomana Seminari sios holim marit blesing

Veronica Hatutasi i raitim

Sarere Septemba 17, 2011 i bin wanpela bikipela de bilong tupela yangpela pipel i bin blesim marit bilong ol long Katolik Sios.

Sharon Tanasu bilong Siwai long saut Bogenvil insait long Otonomes Bogenvil Rijen na Tom Snelling bilong liklik ples Newent long Gloustershire,

Inglan i bin kisim blesing long marit bilong ol long sios insait long wanpela seremoni i bin kamap long Holi Spirit Seminari Katolik Sios long Bomana, ausait tasol long Mosbi siti.

Ol famili, hauslain, ol poroman na wantok i bin stap insait long gutpela lotu na nasipela liteji na ol singsing we ol lain seminari i bin go pas long en.

Pater husat i bin go pas long

marit lotu i bin strongim tupela Sharon na Tom long bihainim gutpela Kristen pasin long lukautim marit bilong ol, luksave long wanpela narapela na bringim ol pikinini bilong ol long gutpela Kristen pasin.

Tupela Sharon na Tom i gat tupela pikinini meri.

Bihain long ol i bungim wanpela narapela long Mosbi, ol bin go long Inglan na stap long

hap long 10-pela yia. Long 2009, ol bin kam bek na nau ol i stap na wok long menesim Bluf Inn Motel long 17 Mail, ausait tasol long Mosbi.

Marit lotu na kaikai na ol selebren i bin go gut tasol we ol poroman long tupela sait wantaim na hauslain i amamas olsem tupela yangpela i wanbel long blesim marit long sios, na go bek long nait long ol wan wan ples bilong ol.



FAMILI: Famili bilong tupela nupela marit, Sharon na Tom, i sanap wantaim bihain long lotu sevis. Hia em ol papamama na ol brata na susa bilong Sharon, na tupela pikinini meri bilong tupela. Poto: Veronica Hatutasi

**STORI
TASOL**
wantaim
Fr Paul Liwun



Hepi pestode Mama

LONG Septemba 8, Katolik Sios i bin selebretim pestode bilong Maria, Mama bilong Jisas. Long dispela de, mi bin tingim wanpela pren bilong mi, em i marit wantaim tupela pikinini. Sampela yia i go pinis em i bin raitim pas long mi long tok amamas long pestode bilong Divain Wod Misioneri (SVD). Bikos long bonde bilong Mama Maria, mama bilong Jisas, long wankain de, lain SVD tu i selebretim bonde bilong ol.

Pren bilong mi i bin raitim olsem: "Long pestode bilong Mama Maria, Septemba 8, olgeta yia, famili bilong mi i save wokim lotu long fran bilong statyu bilong Mama Maria pastaim mipela i kaikai dina bilong mipela. Long pinisim lotu bilong famili bilong mipela long dispela spesel de, mipela i save singim dispela singsing planti i save long en, HAPPY BIRTHDAY TO YOU, paitim han na sekan wantaim".

Taim mi tingim gen dispela pas bilong em, mi amamas tru. Em i wanpela gutpela pasin, laka?

Mi bilip olsem planti bilong yumi bin lukim dispela muvi ol i kolim "THE PASSION OF CHRIST". Insait long dispela muvi, Mel Gibson, man husat i bin wokim kamap dispela muvi i bin soim wanpela bikipela wok Mama Maria i bin soim. Em i nildaun o brukim skru long pes bilong Jisas we em i no inap luksave klia moa, bikos pes bilong Jisas i pulap tru wantaim blut. Long dispela taim Maria i tok isi isi long yau bilong Jisas olsem: "Mama i stap".

Bihain long dispela, i gat wanpela flash back o pilaim tingim bek stori bilong Jisas taim em i liklik mangki yet. Liklik Jisas i bin ran na pundaun long graun. Maria i ran hariap na helpim liklik Jisas long sanap gen. Em i holimpasim Jisas strong tru na tok "Mama i stap".

Long pestode bilong Mama Maria, long wankain de em i pestode bilong Divain Wod Missionari (SVD). Dispela yia, SVD i selebretim 136 Krismas bilong em. SVD i bin stat long Steyl insait long kantri Netherland wantaim liklik lain tasol. Long dispela taim SVD i bin kisim bikipela blesing bilong God tru. Moa long 7000 memba bilong em i wok long olgeta hap bilong graun. Ol i mekim wok misin olsem Pater na Bruder long planti kantri, moa moa yet long ples i no gutpela tumas long en olsem long Afrika, Esia, South Amerika/Latin Amerika, Yurop na long PNG tu.

Wanpela bikipela wok bilong lain misinari bilong SVD i olsem Maria. Ol SVD misinari bai tok isi isi long yau olgeta manmeri ol i sevim na lukautim, olsem; "Yupela noken wari. Mipela i stap".

Tingim gut. Dispela tok em i no tok bilong Maria o tok bilong ol lain SVD tasol. Em i tok bilong yumi olgeta Kriten manmeri i bin kamap disaipel bilong Jisas. Olsem Maria i tok isi isi long yau bilong pikinini bilong em Jisas, yumi olgeta i mas tok isi isi long yau bilong olgeta manmeri yumi sevim olsem; RT". Dispela tok bai helpim ol long kisim strong. Helpim ol long kirapim hop insait long laip bilong ol.

Tingim spesol mama na hatwok bilong em



GUTPELA MAMA: Mama Chrisandra

LONG dispela laip long graun, olgeta de ol mama i save mekim wok long lukautim famili. Tasol planti taim, yumi no save tingim ol hatwok ol i mekim na givim luksave long ol inap long samting i kamap olsem dai o em i de bilong nol mama.

Long dispela wik, wanpela meri i tingim mama bilong em na hatwok em bin mekim long lukautim 8-pela pikinini bilong em. Tru tru, em bin karim 12-pela

pikinini, tasol 4-pela i dai taim em i karim ol. Nau 8-pela pikinini i stap husat i givim em 42 tumbuna.

Dispela Sande Septemba 25 bai makim wanpela yia taim mama Chrisandra Kopara (Kosiembo), bilong ples Emo long Oro Be, Oro Provins, i lusim dispela graun.

Na wanpela pikinini bilong em, Francesca Mumuni husat i wok wantaim Salvesen Ami long Mosbi

siti, i makim olgeta famili bilong em long tingim mama na laip bilong em.

"Mama, wanpela yia i go pinis taim yu lusim mipela, tasol tingting long yuu i stap strong yet wantaim mipela. Planti samting, pipel na ol ples olgeta de i kisim bek ol memori o tingting long yu i kam bek.

"Mama, mama ... em ansa long olgeta krai na askim we pikinini i gat. Yu em hiro bilong mipela olgeta 8-pela pikinini na 42

bubu bilong yu"pikinini Francesca, i tok.

Liklik histori bilong mama Chrisandra em mama i bin karim em long 1936 long Oro Bay na em bin go long Sen Jude Anglikan misin skul na pinisim skul long 1951. Bihain long dispela, em bin helpim ol misin tisa na em yet i bin kamap olsem wanpela tisa.

Taim em i gat 22 kris-mas, em i maritim George Korede Kopara, husat i wanpela long ol namba wan etpos odali o medikel opisa long koloniel taim. Em bin kiism skul lonmg ol dokta bilong Australia long Idubada Medikel Trening Kolis na em bin wokim planti trening bilong em long Ela Bis Haus sik i bin stap long Ela bis nambis eria.

Bihain long em i pinisim dokta skul bilong em, em bin go bek long Saiho helt hetkota we i bin hetkota bilong Helt Dipatmen long dispela taim. Taim ol i bin salim em i go long Tufi, em bin kisim mama Chrisandra wantaim em i go na tupela i statim laip bilong ol wantaim na kamap ol paionia long ol helt pos i stat long Safia long Musa na go olgeta long Afore long Managalasi eria, Oro provins.

Francesca i tok mama Chrisandra i bin stap long baksait na sapotim papa na em i mekim gut long wok bilong em long kisim helt sevis i go long ol ruel eria i stap longwe stret long bus na maunten we em i painiarim sampela ol helt na etpos, ples balus na polis pos.

Tasol long ol bikbus na maunten eria we papa i kisim wok, mama i save stap lukautim ol pikinini em i karim, lainim na wok

bung wantaim ol narapela meri na lainim tokples bilong ol.

Francesca i tok papa i kisim mada Chrisandra i go long bikbus na maunten bilong Managalasi we ol bos bilong em i salim em i go, bikos ol i save olsem em bai mekim gutpela wok. Ol i bin sindaun long liklik ples Yoivi we mama i kamap gutpela pren bilong ol asples.

"Taim papa i lusim mama i go aut long wok longpela taim long ol ples olsem Itokama, Jorua, Koruwo, Kaura na planti ol narapela long givim medikel tritmen long ol pipel, em i save stap wantaim ol ples lain na lukautim famili.

"Long dispela taim, mama i bin gat 4-pela pikinini long lukautim long bikbus wantaim ol lain em i no save long ol. Tasol em bin sindaun gut wantaim ol na karimaut gut wok bilong em long lukautim famili taim papa i save stap aut long planti wik na mun wantaim nogat komyunikesen.

"Bihain long planti yia i go pinis na ol i stap long ples Managalasi, mama i bin gat 12-pela pikinini. Tasol 4-pela i bin dai taim em i karim na 8-pela i stap laip na givim em 42 tumbuna," Francesca i tok.

Taim papa i ritai long 1990, em na mama i bin sindaun yet long ples Managalasi long Afore eria. Na long Septemba 25 las yia, Bikpela i singautim mama long ples bilong em long Ogan long Afore na bihain long wanpela yia, tingting long em i stap strong yet bikos em bin wanpela gutpela na spesel mama bilong 12-pela pikinini we 8-pela i stap laip na planti bubu.



PNG SUSTAINABLE DEVELOPMENT PROGRAM LTD



PNGSDP Strongim Komyuniti Onasip long daunim HIV – gutpela model

Stap long taim bilong wanpela projek mas stap long gutpela han na komyuniti i lukautim developmen bilong ol yet. Ol wok kamap long pastaim i skulim mipela olsem sapos komyuniti ino wok long projek bilong ol yet projek bai ino inap kamap gut. Mipela i lukim olsem long planti ol projek we i pundaun, em bikpela hevi em komyuniti i no wok bung wantaim long dispela projek. Long tingting bilong mipela planti ol projek i pundaun bikos ol lain i mekim plen i no luksave wanem rot tru projek bai kamap gut bikos ol i no plenim gut olsem projek bai helpim komyuniti o wan wan lain i stap long en. Mipela bilip ansa i stap long ol pipel.

Insait long Papua Niugini i gat planti ol traime i kamap long pait egens ol hevi HIV i kamapim long ol femili na komyuniti. Invesmen olsem kes mani na wok long abrusim HIV em bikpela tru tasol dispela salens i stap yet wantaim mipela yet. Askim i bin go long PNGSDP long lukluk long sampela rot we mipela i ken mekim long helpim na promotim sampela samting we bai i stap longpela taim na mekim gutpela wok. Wantaim gutpela wok bung wantaim Nesenel AIDS Kaunsil, ol Sios na skul, mipela i bringim kamap Komyuniti Konvesesen.

PNGSDP i bringim Komyuniti Konvesesen i go long Westen Provins, Simbu, Westen Hailans, Galp na Sentral Provins stat long 2007 long givim gutpela tingting long ol komyuniti long luksave olsem ansa long HIV i stap wantaim komyuniti yet. Ol komyuniti na wan wan lain insait long komyuniti i ken mekim bikpela wok taim ol i luksave olsem ol yet i gat ansa taim ol i wok strong long helpim ol yet.

Program ya em ol i wokim gut na PNGSDP i bringim kamap long givim trening bilong Komyuniti Konvesesen i go long wanpela komyuniti. Insait long ol viles bikpela tingting em long wok wantaim ol viles lida – olsem HIV sik i stap na hevi bai komyuniti i kisim olsem na komyuniti mas wok strong long daunim dispela hevi ol yet. Planti taim long ol komyuniti long PNG taim ol pipel i ting tasol olsem wanpela i gat dispela sik, ol i save rausim em olsem wanpela tewel. Tasol dispela man o meri em brata o susa, mama o papa. Olsem na wanem rot tru bai komyuniti i daunim dispela pasin nogut sapos yu save olsem dispela man o meri em femili memba bilong yu?

Program i bihainim lo em olgeta lain i amamas long en, em i givim spes long olgeta lain, yangpela, lapun, man o meri long givim tingting bilong ol long daunim o abrusim dispela sik na tu helpim ol lain husat i gat dispela sik na stap insait long komyuniti. Ol lain husat i kisim trening save stap long komyuniti na ol disisen long helpim na kamapim senis i kamap long helpim komyuniti. Em longpela rot tru. Em i save pait egens ol pasin long nogat helpim, bagarapim wok bung namel long ol manmeri, lo na oda hevi, spak brus, dring bia na pilai laki nabaut. Wanem hevi kamap long komyuniti em komyuniti yet mas stretim.

Wantaim ol samting kamap long komyuniti em ol yet mas stretim. Bringim kamap Komyuniti Konvesesen i abrusim tingting bilong stretim hevi harim na dispela i save kamap taim komyuniti i wok klostu wantaim ol Sios grup olsem tingting bilong wok wantaim olsem wanpela pipel i draivim dispela kempeln i go strong long kontrolim HIV long go bikpela. Em i go isi tasol mipela i lukim olsem 500 pipel i kisim trening na ol i givim trening i go long planti tausen lain.

Husat i ridim dispela mas save olsem, narapela HIV man o meri long viles o komyuniti bilong yu em bai wanpela femili memba bilong yu olsem na yu mas tingting gut long ol samting yu save yu mas gat:

- Wanpela komyuniti infomesen lis na wanpela plen long abrusim HIV long go bikpela long viles bilong yu long namba wan taim tru na abrusim ol pasin nogut we i kamap insait long komyuniti we i ken kamapim sik.
- Taim HIV sik i kamap, wanem rot tru yu ken sapotim ol dispela lain i gat sik na noken long bagarapim ol.

Mipela tok tenkyu long UNDP long dispela gutpela tingting, Nesenel AIDS Kaunsil, na Kaunsil bilong Sios, Provinsal Helt Divisin na ol Provinsal AIDS Komiti long gutpela wok bung long daunim dispel hevi.

PNGSDP bai long ol narapela ripot bihain i stori long wanem gutpela wok i kamap insait long dispela projek.

I kam long Ofis bilong CEO (article# 11 bilong 2011)



CEO: David Sode



MAMA STAP NA FAMILI STAP GUT: Mama wantaim tupela long ol 8-pela pikinini long yia 1980. Poto: Francesca Mumuni



Jada011

Sekim na kalabusim ol lain i paulim mani

GUTPELA long harim olsem gavman i kamapim ol wok painimaut go insait long ol bikpela mani bilong kantri we i lus nabaut long kainkain wok na projek we i no bihainim stret rot o Loa na tu nogat rekot long ol wok we mani i go long ol.

Yumi save harim planti ripot na toktok long pasin bilong korapsen o stilim na paulim mani bilong kantri olgeta taim tasol yumi no save lukim tru husat i asua na go long kalabus.

Dispela em long bipo yet i kam yumi harim tasol na bel hat na toktok kros nabaut.

Sampela taim i go pinis yumi harim olsem ol politisen i bin sutim tok long ol pablik sevens we ol save i save paulim ol mani bilong kantri wantaim ol giaman ripot na pepa wok nabaut.



wanpela olupela politiks man pinis long askim em na sekim ol rekot na wok dispela mani i go long en. Polis i laik toktok wantaim tu memba bilong Kokopo Paul Tiensten husat bin minista bilong Nesenel Plening husat i go pas long pasin bilong givim aut mani long ol projek insait long kantri.

Aste ripot i kamap olsem polis i sasim wanpela bikmeri bilong Nesenel Plening long stap insait long mekim ol toktok long kisim aut ol mani long Nesenel Plening opis.

Poin bilong tok mi laik autim hia em pasin bilong sutim tok long pablik sevens olsem ol i save makim giaman pepa wok long kisim bikpela mani kam aut long gavman.

I no gutpela long sutim tok tasol long ol wokman bilong pablik sevens bikos

pawa bilong mekim disisen long givim aut mani go long wanem kain wok na projek em stap wantaim ol memba na minista long haus palamen.

Minista i gat pawa long tok orait long wanem kain wok mas kamap na amas mani mas go long en. Em gat pawa tu long rausim ol wokman bilong gavman na putim husat wokman em ting bai wok gut na wok poroman wantaim em. Olsem na yumi ken lukim olsem dispela kain pasin inap kamapim hait wok we Minista na opisa ken mekim na oraitim mani long go long en. Ol bai wanbel na mekim sampela kain projek o wok we mani bai go long en tasol yumi no klia dispela projek em trupela projek bilong helpim sindaun bilong pipel na kantri o nogat. Na wanem kain kampani o kontrak lain bai kisim dispela mani long mekim wok? Planti hait na paul o korap pasin save kamap long dispela rot.

Olsem na noken sutim

tok tasol long ol pablik sevens. Hevi tu em memba na minista bilong palamen save go pas long en long kamapim. Planti taim em tupela sait wantaim save pasim tok na mekim samt-ing.

Gutpela long bikpela wok painimaut wok long kamap nau na sapos husat memba o lida i bin paulim planti mani bilong kantri pinis, orait holim em na sasim em na Kot mas mekim save long em na kalabusim em.

Dispela inap sanapim piksa bai kain pasin olsem noken kamap moa long bihain taim bikos ol lida bai pret long wok painimaut bai kamap na holim ol.

Tingim, planti milien kina bilong kantri i save paia nating long kain giaman na hait wok we ol yet bai kisim na mekim bisnis bilong ol wantaim. Planti mani i lus long ol kainkain pepa wok we yumi ol liklik manmeri i no inap luksave na klia long en.

Sekim olgeta lain na kamautim ol na kalabusim ol.

WANTOK KOMENTRI

Noken guria wantaim nupela bilip na toktok

OLGETA bikpela toktok we O'Neill – Namah gavman i wok tromoi bihain long ol i winim gavman, nau i gat manimak bilong ol.

Namba wan bikpela toksave we i sutim tru bel bilong ol papamama bilong yumi long ples, em fri edukesen.

Dispela em i no bilong tupela yia bihain, nogat.

Praim Minista Peter O'Neill i tok bai ol i kirapim long yia i kam.

Em 2012 tasol. I no longpela taim nau, bai yumi lukim krismas na bihain bai yumi painim kirap bilong skul yia.

Wanpela gutpela toksave i kam long maus bilong PM, em toktok em i tromoi olsem ol wokmanmeri bilong fainens na tresari i noken pasim dua na go malolo long Krismas.

Em yet i laikim bai ol wokmanmeri bilong skelim mani bilong fri edukesen i mas stap na mekim wok bai olgeta mani i redi long go aut long olgeta skul long kantri, long kirap bilong skul yia, 2012.

Insait long 2011 saplimentari baset toktok bilong en, Fainens na Tresari Minista Don Polye i no isi long tokaut strong olsem dispela baset, em i bihainim bilip, laik na askim bilong ol pipel.

I tru em i wanpela baset bilong bilip. Na i nogat nara-pela bai lukim gutpela bilong dispela baset. Em yumi ol pipel tasol bai lukim.

Tasol strong bilong bilip bilong mipela long gavman i karimaut gut ol dispela tok promis em i mekim, i no bilong oltaim.

Mipela pipel i save olsem ileksen bai kamap neks yia. Na planti long ol gutpela toktok, mipela i harim olsem ol lida i stat long kempen pinis.

Ol lida long nupela gavman i no tokaut klia long floa bilong palamen, o taim ol i givim ol naispela bikpela tok-tok long ol kain kibung olsem indipendens selebresen nabaut long kantri.

Yes, mipela i laikim dispela hevi bilong skul fi bai nogat. Yes, mipela i nidim rot long karim ol gaden kaikai bilong mipela i go long maket.

Na tru tumas, mipela i laikim gutpela sindaun long ol taun, siti, na haus dua bilong mipela tu, olsem na polis i mas kisim strong na luksave long strongim loa na oda long kantri.

Tasol mipela pipel, i no longlong. Taim yumi wok long kam klostu moa long ileksen, ol toktok bilong ol lida bilong yumi i wok long krai moa olsem ileksen kempen toktok.

Ol lida, plis tingim. Noken kirapim nating skin bilong mipela wantaim toktok yu save mipela i laik harim. Sapos fri edukesen i kamap, bai yumi kisim inap tisa na lukautim ol gut long skulim ol pikinini, o nogat?

Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager:
Elizabeth Konga

Editor:
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Namba 3 Pasifik Tuna Forum kamap gut stret long Palau

James Kila i raitim

NAMBA 3 Pasifik Tuna Forum long Koror, biktaun bilong Ripablik ov Palau i bin kamap gut tru wantaim planti gutpela tingting na toktok em ol lain husat i bin stap long miting i bin kamapim.

Papua Niugini aninit long long wok bilong National Fisheries Authority i go pas long redim namba 3 Pasifik Tuna Forum long Palau stat long 6 de i go 7 de bilong mun Septemba 2011.

Planti ol intanesenel lain husat i save tred long tuna insait long wol i bin mekim toktok na givim tingting bilong ol insait long dispela bikpela forum.

Pasifik Tuna Forum em wanpela bikpela samting na i gat bikpela luksave long intanesenel indastri kibung insait long Pasifik. Dispela forum bai bungim wantaim

namba tri Rijinal Indastri na Tred Konfrens, na insait long dispela ol bikpela toktok long bilong tuna indastri insait long Pasifik Ailan kantri em bai ol i toktok long en.

Wol tuna indastri i wok long putim ai na lukluk gut tru long ol developmen we i wok long kamap nau insait long Westen na Sentral Pasifik Osen (WCPO). Insait long ol yia i go pinis ol Pasifik Ailan Kantri (PIC) i kamapim bikpela wok tru long developim tuna indastri bilong ol. Planti ol wok long nupela menesmen bilong ol bikpela ai tuna, strongpela limit long ol vesel de skim, kamapim bilong klos eria olsem 4.5 skwea kilomita bikpela solwara pes sein fising, lo we i karamapim ol lain bilong lukautim wolwara long olgeta bot i gat laisens, na VMS long wanpela bris i go long arapela em sampela bilong ol dispela lo em nau ol i

kamapim bilong ol WCPRF na ol lain husat i Pati o lain i sain long Nauru Agrimen (PNA). Sampela ol arapela kantri insait long rijon tu i wok strong tru long bringim ol ovasis invesmen long sait bilong daun-strim prosesing wok na i no stap wok tasol long kisim ol peimen long ol ovasis bot we i painim fis long solwara bilong ol.

Wantaim tuna prodaksen mak olsem 2.4 milien tan, WCPO i mekim bikpela wok insait long Pasifik Ailan kantri, em i mekim bikpela samting tu long wol tuna indastri bikos em i save saplaim klostu 60% tuna i go long wol maket.

Taim yu lukluk long bikpela samting WCPO i save wokim insait long lewa tru bilong wol tuna indastri, dispela 3rd Pasifik Tuna Forum 2011 bai gutpela forum tru bilong olgeta stekholda, na bikpela samting em dispela ol lain



Strongpela man bilong pait strong long tuna fiseris long Pasifik rijon, Sylvester Pokajam (raithan) wantaim Dairekta bilong INFOFISH, Dokta Mohamed Ayub i welkam long ol lain long forum long Palau.

husat i laik strongim bisnis bilong ol aninit long ol nupela senis i wok long kamap na ol arapela husat i laik lukluk long kamapim bisnis insait long rijon. Forum i bin long Ngarachmayoung Kalsarel Senta long Koror.

Namba wan na namba tu Pasifik Tuna Forum i bin kamap long Mosbi long Papua Niugini long 2007 na 2009.

Ol bikpela indastri lain sindaun husat i join olsem siaman long miting bilong Pasifik Tuna Forum 2011 em ol indastri lain bilong ol Pasifik kantri na tu ol biknem indastri lida bilong Yurop na Esia.

Forum i lukluk moa long wanem ol bikpela samting i kamap insait long WCPO; tuna stok level na risoses insait long rijon, sait long invesmen, i no long tuna fising tasol, em bai lukluk tu long prosesing na maketing, nupela risos menesmen lo em PNA na WCPFC i wok strong long en na samting samting em i kamapim long indastri; wanem mak nau em tuna indastri i stap long en na wanem mak em i ken go long en insait long ol Pasifik kantri; mak na lukluk bilong ol bikpela maket, intanesenel tred na tred mak na level; nupela teknoloji, eko-lebeling, lukluk i go long bihain taim

na planti ol narapela bikpela toktok.

Pasifik Tuna Forum 2011 em ol lain i bung long kamapim em INFOFISH, Ministri bilong Netsural Risos, Envairomen na Turism, Ripablik bilong Palau na National Fisheris Authority bilong Papua Niugini, FAO-GLOBEFISH, Forum Fiseris Ejensi (FFA), Sekretariat bilong Pasifik Komyuniti (SPC), Westen na Sentral Pasifik Fiseris Komisen (WCPFC), Patis i go long Nauru Agrimen (PNA) na Pasifik Ailans Tuna Indastri Asosesin (PITIA).



Namba 3 Pasifik Tuna Forum miting i kamap insait long Ngarachmayoung Kalsarel Senta long Koror, Palau. *Poto: James Kila*



Ol bikman i sindaun long Namba 3 Pasifik Tuna forum long Palau.



Iran na Indonesia stap long 2011 Pasifik Tuna Forum miting long Palau

James Kila i raitim

DAIREKTA bilong INFOFISH, **Dokta Muhammad Ayub** i tok amamas long ol lain bilong tupela kantri em Iran na Indonesia, husat i go stap insait long 2011 Pasifik Tuna Forum long Palau.

Ol lain bilong Iran em Ali Sadr, husat em intanesenel menesa bilong Sahel Seide Konarak, wanpela kampani we i save baim ol tuna prodak long wol. Em wantaim komosal menesa bilong em, Roya Adibzadeh i bin stap long tuna forum long Palau.

Ol lain bilong Indonesia husat i stap long forum em Firman Shafei na Muhammed Faithoni bilong Indonesia Ministri bilong Marin Afes na Fiseris.

Mis Roya Adibzadeh i tok em i amamas long stap long dispela tuna kibung bikos em i lainim planti gutpela samting na tu em i amamas long save olsem ol kantri long Pasifik i save lukautim fis stok bilong ol.

Ol dispela lain bilong Iran na Indonesia i stap namel long moa long



Meri Iran Roya Adibzadeh i tok em lainim planti gutpela samting long Pasifik Tuna Forum. *Poto: James Kila*

200 ol lain husat i bin stap insait long forum we moa long 31-pela bikpela pepa em ol lain spika i tok tok long en insait long forum.

Ol kantri we i gat ol lain bilong ol i stap long dispela Namba 3 Pasifik Tuna Forum em Australia, Belgium,

Cook Ailan, Federeted Stet ov Micronesia, Fiji, Finland, Japan, Korea, Malaysia, Nu Kaledonia, Marshall Ailan, Nu Silan, Norway, Philippines, Switzerland, Taiwan, Thailand, Netherlands na USA.

Dokta Ayub i tokaut klia olsem

Pasifik Tuna Forum (PTF) i bin stat long yia 2007 long gutpela tingting bilong PNG Nesenel Fiseris Atoriti (NFA) wantaim INFOFISH long promotim rijinel tuna indastri insait long wol. Dispela bikpela kibung o forum nau i kamap oltaim insait long olgeta tupela yia.

Dokta Ayub i givim liklik histori bilong INFOFISH na i tokaut olsem dispela ogenaísesen i bin kamap long 1981 olsem wanpela rijinal projek bilong Fud na Agrikalsa Ogenaísesen (FAO) bilong Yunaited Nesens. Bihain em i kamap olsem wanpela intagavman ogenaísesen long 1987.

Wanpela ofisa bilong FAO tu nau i stap long PNG long dispela 25th INFOFISH Gavaning Kaunsil miting.

Dokta Ayub i tok i gat 14-pela memba kantri insait long Esia-Pasifik rijon i stap insait long INFOFISH. Ol dispela kantri em Bangladesh, India, Indonesia, DPR Korea, Malaysia, Maldives, Pakistan, Papua Niugini, Philippines, Solomon Ailan, Sri Lanka na Thailand.

Dispela INFOFISH Gavaning Kaunsil Miting long PNG em bikpela bikos ol bai lonsim tupela projek insait long ol memba kantri. Wanpela bai lukim mani helpim i kam long FAO na narapela i kam long CFC.

Dokta Ayub i tok olsem bikpela luksave i save go long INFOFISH olsem wanpela gutpela risos o eria long kisim ol teknikal infomesin, maket infomesin na tred infomesin. Dispela ogenaísesen i gat bikpela nem tu long sait bilong kamapim ol infomesin buk olsem INFOFISH INTERNATIONAL megesin na ol narapela buk olsem INFO TRADE-NEWS we i save kamaut insait long olgeta tupela wik. Ol i save putimaut tu ol narapela spesel pablikesin.

"Tude mipela i stap long yia bilong infomesin teknoloji, olsem na INFOFISH websait em mipela i stretim gut tru na mekim em kamap gutpela tru long yusim wantaim moa infomesin na tu ol dispela infomesin i ken helpim ol lain gut tru long sait bilong fiseris tred,"

Golding laik lukim ol papa bilong risoses gat bot na tuna prosesings plent

James Kila i raitim

TRED EDVAISA i go long PNG Gavman, Wayne Golding i tok olsem wanpela rijinal fan i mas kamap long helpim ol Pasifik Ailan kantri long mekim rot long ol papa bilong risoses long gat ol bot ol i ken yusim long painim fis na tu ol yet i mas gat prosesings plent bilong ol.

Mista Golding i bin mekim dispela toktok long Namba 3 Pasifik Tuna Forum long Palau.

Em i tok olsem i gat nid i stap long kamapim wanpela rot we ol papa bilong risoses i ken kamapim invesmen long ol yet na strong tuna indastri long rijon.

Narapela samting em i toktok em long wok bung wantaim i mas kamap namel long ol praiwet sekta, ol rijinol benk na intanesenel ogenaísesen long stringim developmen na gutpela wok kamap insait

long rijon.

Mista Golding i tok moa wok i mas kamap insait long ol kantri husat em Pati i go long Nauru Agrimen (PNA) em PNG, Palau, Nauru, Kiribati na Marshall Ailan na tu ol arapela long sait long menesim ol risos bilong ol long ol pikinini na tumbuna long bihain taim i ken amamas long yusim. Ol i mas kamap wantaim sampela kain gutpela rot we i ken helpim PNA long kontrolim ol risos bilong ol gut.

Gutpela wok bilong ol kantri insait long PNA i ken strongim wok na kamapim veliu long sait long prodaksin insait long ol kantri long rijon, boda invesmen na tu helpim long kamapim wanpela kain wok long saplai bilong tuna stat long taim ol i kisim long solwara i go long taim ol i salim long maket.

Em i tok i gat planti gutpela wok i stap long sait bilong ol lokal lain insait long

Pasifik long wok olsem ol kru antap long ol bot na tu ol lokal lain i ken wok strong long kamap olsem papa bilong ol tuna prodak na wokim ol samting we i ken helpim sindaun bilong ol na developmen insait long Pasifik rijon.



Dairekta bilong INFOFISH, Dokta Mohamed Ayub (raithan) i kisim presen long han bilong ofisa bilong Palau Ministri of Netserel Risos, Envairomen na Turism. Ol poto: James Kila

Daubilo: Ol yangpela mangi bilong ples Palau i mekim danis bilong long taim ol i opim Pasifik Tuna Forum.



Wol maket askim yet long tuna – Pedro

James Kila i raitim

BIKPELA askim (demand) i stap yet insait long wol long tuna tude na tuna em bikpela bilien Kina indastri long wol.

Dispela em bikpela toktok Menesing Dairekta bilong Frabelle Frescoma Koporesen, Eric San Pedro i mekim long Pasifik Tuna Forum long Palau.

Mista Pedro i makim ol Risos lain long givim toktok long forum.

Em I tok long nau yet i gat sampela nupela developmen i kamap long sait long tuna prodak, bikpela long en em long tuna ol i putim long frija na salim liklik na tu ol arapela developmen.

Mista Pedro i tok olsem tuna insait long tin (canned tuna) em

bikpela maket bi-long en i stap long Yurop (EU).

Ol tuna we i kol na ais em ol frozen loin na raun tuna em maket i stap long EU, USA, Japan, Thailand na American Samoa.

Em i tok olsem ol Pasifik ailan kantri wantaim PNG i mas lukluk nau long ol narapela maket autsait long EU long sait bilong salim tin tuna bikos prais bai gutpela na winim laik bi-long ol kastoma tu.

Mista Pedro i tok tu olsem nara-



Ol wol tuna indastri lain i sindaun harim toktok long Namba 3 Pasifik Tuna Forum long Koror, Palau long las wik. *Poto: James Kila*

pela maket we yumi ken salim tuna bilong mipela long en em Australia. Dispela em bikos Australia nau i

wok long laikim tuna long ol fud stoa bisnis bilong en.

Dokta Transform Aqorau, husat

em Dairekta long Patis igo long Nauru Agrimen (PNA) i tok olsem olgeta lain insait long Pasifik i mas wok bung wantaim long wanem lo o agrimen i stap pinis long was gut o lukautim tuna stok bilong yumi. Yumi noken larim ol arapela lain i traim long kontrolim yumi. Yumi ol lain long Pasifik yet i mas mekim ol disisen long gutpela bilong yumi.

Dokta Aqorau, husat em bilong Solomon Ailan, tasol nau i stap long Majuro long Federeted Stet ov Mikronesia i tok yumi olgeta long Pasifik i mas wok bung long lukautim ol samting ol tumbuna bilong yumi long bipo yet i save kisim na amamas long en, na dispela tu em ol pikinini na tumbuna long bihain taim tu i ken yusim.

Tuna em bilien Kina indastri long Pasifik rijon – Forum i tok

James Kila i raitim

TUNA, dispela pis bilong bikpela solwara i ken bringim bikpela ekonomik developmen long Pasifik rijon sapos ol kantri i menesim gut dispela risos.

Narapela bikpela samting tu em insait long wol stok o bikpela namba bilong tuna pis i save kam long Westen Sentral Pasifik Osen (WCPO) we mak bilong en em 60 pesen na em i antap tru long wol.

Dispela toktok em developmen edvaisa wantaim Forum Fiseris

Ejensi, Hugh Walton i bin mekim long Namba 3 Pasifik Tuna Forum, we i bin kamap long Koror, em biktaun bilong kantri Palau long las wik Septemba 6 na 7.

Ol kantri husat i stap insait long WCPO em Kiribati, Palau, PNG, Tuvalu, Federeted Stet ov Maikronesia, Mashall Ailans, Solomon Ailan na Nauru.

Mak o namba bilong tuna taim olgeta dispela kantri i putim wantaim em i olsem 1.4 milien metrik tan na mani mak bilong dispela em US\$2.5 bilien o K5.6 bilien.

Tuna ol i save kisim long solwara bilong PNG em mani mak bilong en i sanap olsem US\$1.35 bilien sapos veliu i go long en long taim bilong prosesim long PNG yet, mani mak ya bai go antap olsem US\$2.7 bilien o K6.6 bilien.

Mista Walton i tok olsem ol Pasifik Ailan kantri tasol i bosim ol eria bilong solwara we ol marin risos olsem tuna i stap long en.

Planti ol intansenel lain i bin sindaun join olsem siaman long miting bilong Pasifik Tuna Forum 2011. Planti long ol em em ol indas-

tri lain bilong ol Pasifik kantri na tu ol biknem indastri lida bilong Yurop na Esia. Forum i bin lukluk long planti ol ol bikpela samting i kamap insait long WCPO olsem tuna stok level na risoses insait long rijon, sait long invesmen, na i no long tuna fising tasol, Forum i bin harim planti gutpela toktok long sait bilong prosesim na maketing, nupela risos menesmen lo em PNA (Pati i go long Nauru Agrimen) na WCPFC i wok strong long en na samting em i kamapim long indastri; wanem mak nau em tuna indas-

tri i stap long en na wanem mak em i ken go long en insait long ol Pasifik kantri; mak na lukluk bilong ol bikpela maket, intanesenel tred na tred mak na level; nupela teknoloji, eko-lebeling, lukluk i go long bihain taim na planti ol narapela bikpela toktok.

Menesing Dairekta bilong Nesenel Fiseris Atoriti (NFA), Sylvester Pokajam i bin opim tok tok long forum na i givim sans long Vais Presiden bilong Palau, Kerai Mariur long opim forum.

Pokajam tenkyu long ol sponasa na ogenaaisa bilong forum

MENESING Dairekta bilong National Fisheries Authority (NFA), Sylvester Pokajam wantaim ol narapela lain ogenaaisa bilong Namba 3 Pasifik Tuna Forum i givim bikpela tok amamas na tenkyu i go long ol lain husat i helpim long mekim forum i kamap gut tru.

Asosiet sponasa em bilong forum em DevFish husat i givim US\$20,000 wantaim kos bilong wanpela PITIA memba kantri lain wantaim rejistresen fi na kos bilong wok raun.

Ol Gold sponasa wantaim K30,000.00 em International Food Corporation Ltd (IFC), Frabelle (PNG) Limited / Majestic Seafoods Ltd, PNG Fishing Industry Association, Fair Well Fishery (PNG) Limited, RD Fishing PNG Limited & RD Tuna Cannery Limited

Ol silva sponasa wantaim K10,000.00 em, South Seas



MENESING Dairekta bilong National Fisheries Authority (NFA), Sylvester Pokajam i kisim present long opisa bilong Palau Ministri of Netserel Risos, Envairenmen na Turism. *Poto: James Kila*

Tuna Corporation Limited, Wamomo Seafood Exporters Limited, Manus Fishing Corporation Limited, Morobe Fisheries Management Authority, PNG Ports Corporation, Bismark Pacific Sunrise Fishing Corporation,

Elemi Lawyers, Is Sepik Provincial Gavman, ESP Provincial Government, Madang Provincial Government, East New Britain Provincial Government, West New Britain Provincial Government, Coco Enterprises Limited.

Ol bronz sponasa wantaim K5,000.00 em Silan Fishing Limited, Tatiduh Seafoods Management Limited, Madang Fisheries Cooperative Society Ltd, Pest Care Limited, Paolin Ruma & Sons Ltd, Getaway Travel Ltd, Maru Marines Limited

Ol sapot sponasa wantaim K2,500.00 em, Nationwide Rent A Car – AVIS na TSP Marine Industries

Bismark Pacific Sunrise Fishing Corporation, Elemi Lawyers na Coco Enterprises Limited em ol lain i kam bihain wantaim sponasa bilong ol long Pasifik-Tuna Forum wantaim K10,000 wan wan, na sapot bilong ol i go insait long Silva sponasa kategori.. Maru Marines Limited tu i bin kam insait dispela wik wantaim narapela sponasa we i putim em i go insait long Bronz kategori. NFA i givim bikpela tok amamas i go long ol bikpela koporet kam-

pani husat i givim sapot olsem;; Avis Nationwide Rent A car, Pest Care Limited na Get Away Travel Limited.

Mista Pokajam i tok em i amamas tru wantaim gutpela sapot tru na gutpela fainensal sponasa i kam long ol fising indastri, ol provinsal gavman na ol lain we NFA i save wokim bisnis wantaim ol o klaints. “ Sapos ol dispela fainensol sapot bilong yupela i no kam, mipela bai i no inap kamapim ol plen na redim ol samting long mekim dispela forum i kamap gut,

“Fiseris Bod i laikim Pasifik Tuna Forum i mas soim tru Pasifik olsem na ol i makim Palau olsem ples bilong forum i kamap long en bikos Palau tu em memba bilong Patis i go long Nauru Agrimen (PNA). Ol lanti we i stap insait long PNA em Palau, Papua Niugini, Federeted Stet ov Maikronesia, Solomon Ailans, Nauru, Tuvalu, Kiribati na Marshall Ailans.



Palau vais presiden tenkyu long NFA na INFOFISHluksave i go long Pokajam na ol intanesenel tuna baiyas

James Kila i raitim

VAIS Presiden bilong Ripablik ov Palau, Kerai Mariur i givim bikpela tok amamas na tenkyu i go long Menesing Dairekta bilong National Fisheries Authority (NFA), Sylvester Pokajam, Gavman bilong Papua Niugini na INFOFISH long tok-orait long holim kamap Namba 3 Pasifik Tuna Forum long Palau.

“Mi gat bikpela amamas tru long stap hia tude long opim Namba 3 Pasifik Tuna Forum. Na mi amamas tru long Palau i kisim dispela ona long bungim ol bikpela lain grup husat i save wok long tuna indastri, stat long ol fis menesa bilong Pasifik, na ol lain insait long indastri na yupela husat i makim ol bikpela lain bilong baim Pasifik tuna olsem ol bikpela maket bilong mipela long Asia, Yurop, Amerika. Mi welkam long yupela long Palau,” Vais Presiden Mariur i tok.

Mista Mariur i tok pasin ol dispela lain i mekim em gutpela na i bihainim stretpela rot na i givim



Vais Presiden bilong Ripablik ov Palau, Kerai Mariur I mekim toktok long Pasifik Tuna Forum. *Poto: James Kila*

sans long ol narapela Pasifik Ailan kantri long stap insait long bikpela kibung olsem.

Em i tok mipela long Pasifik i go het long menesim ol tuna bilong mipela long gutpela pasin olsem wan wan kantri na tu ol arapela kantri i wok bung wantaim insait long ol rijinol grup olsem Parties i go long Nauru Agrimen (PNA) na insait long rijon em Pasifik Ailans Forum Fiseris Ejensi (FFA).

Em i tok long 2005 ol i amamas long wok wantaim Distant Water Fishing Nations (DWFN) long kamapim bikpela na moa menesmen bilong tuna na ol narapela fis stok insait long solwara bilong ol na ol i bin kamapim Westen na Sentral Pasifik Fiseris Komisnin (WCPO) na i no long taim i go pinis i kamap wantaim Rijinol Fiseris Menesmen Ogenaisens (RFMO) insait long wol.

Wok bilong WCPO i luksave long ol bodi bilong solwara insait long Pasifik we i stap insait long eksklusiv ekonomik zon bilong ol kantri bilong Pasifik, we i kamap wantaim luksave long menesim

ol tuna fis insait long ol solwara eria bilong ol.

“Mipela luksave olsem tuna risos em bikpela samting tru na tu olgeta ol arapela fiseris risoses. Ol dispela risoses i no bilong kisim mani tasol i kamapim wok, em i bringim kaikai bilong ol pikinini na tumbuna bilong yumi insait long Pasifik insait long planti yia i go pinis,” Mista Mariur i tok.

“Long dispela tingting tasol, mipela i wok bung wantaim long menesim o lukautim gut tuna fis bilong mipela insait long Pasifik, na mi ken tok olsem tuna bilong mipela long Pasifik em namba wan tru insait long wol,

“Taim mi tok olsem, mi laik luksave tu long ol bikpela-ai tuna na yelo-fin tuna stok mipela i gat na mipela i laik wok bung wantaim ol savemen o saintis na ol save lain insait long rijon wantaim ol lain long indastri long putim kamap gutpela was o banis long lukautim gut na menesim ol dispela risos.” Mista Mariur i tok

Pasifik pipel mas kisim gutpela helpim long tuna bilong ol – Seketeri Maue i tok

James Kila i raitim

OL PIPEL bilong Pasifik Ailan Stet i mas kisim gutpela helpim long dispela bikpela bilien kina tuna indastri na ol ol marin risoses long solwara bilong yumi.

Seketeri bilong Foren Afes, Michael Maue i bin mekim dispela toktok long taim bilong pasim Namba 3 Pasifik Tuna Forum long Palau long Septemba 7.

Mista Maue i tok ol pipel bilong Pasifik Ailan stet mas kisim gutpela win-mani long fis risoses bilong ol we long nau yet em sanap olsem K5 bilien.

Em i tok olsem olgeta lain kantri long Pasifik husat i stap insait long tuna tred wantaim indastri, gavman na ol papa bilong risoses i mas wok bung wantaim long lukim olsem ol papa bilong risoses i kisim gutpela helpim long risoses bilong ol.

Mista Maue i tok insait long wanem ol bikpela developmen yumi mas mekim sakrifais na

balensim gut wanem ol gutpela samting bai yumi kisim long risoses bilong yumi.

Em i strongim wanem toktok tred edvaisa bilong PNG gavman, Wayne Golding i mekim, we em i tok ol Pasifik ailan manmeri i mas bilip long ol yet na wok bung wantaim long lukim olsem wanem wok o projek ol i laik kamapim i ken karim gutpela kaikai.

Mista Maue, husat i stap namba wan taim long tuna forum olsem i tok i amamas tru long lainim planti gutpela samting long tuna tred na indastri.

Dispela bikpela bung long Palau i lukim planti ol bikpela lain husat i save baim tuna bilong Pasifik Rijon i bin stap na tu ol narapela lain husat i gat intares tu i bin stap long dispela taim.

Dispela forum i toktok olsem wol tuna indastri i wok long putim ai na lukluk gut tru long ol developmen we i wok long kamap nau insait long Westen na Sentral Pasifik Osen

(WCPO).

Insait long ol yia i go pinis ol Pasifik Ailan Kantri (PIC) i kamapim bikpela wok tru long developim tuna indastri bilong ol. Planti ol wok long nupela menesmen bilong ol bikpela ai tuna, strongpela limit long ol vesel de skim, kamapim bilong klos eria olsem 4.5 skwea kilomitika bikpela solwara pes sein fising, lo we i karamapim ol lain bilong lukautim wolwara long olgeta bot i gat laisens, na VMS long wanpela bris i go long arapela em sampela bilong ol dispela lo em nau ol i kamapim bilong ol WCPRF na ol lain husat i Pati o lain i sain long Nauru Agrimen (PNA). Sampela ol arapela kantri insait long rijon tu i wok strong tru long bringim ol ovasis invesmen long sait bilong daunstrim prosesim wok na i no stap wok tasol long kisim ol peimen long ol ovasis bot we i painim fis long solwara bilong ol.



Foren Afes Seketeri Michael Maue i givim wanpela presen bilong PNG i go long vais presiden bilong Palau. *Poto: James Kila*



GLASIM RAMU NICO PROJEK



"Wanpela Ramu Nico, Wanpela Komyuniti"

Ramu NiCo i luksave long kakao projek klostu long maining eria

GOL, kopa, nikel na kobalt bai pinis tasol wok agrikalsa bai stap yet na i no inap pinis.

Long Ramu NiCo, wok maining long nikel bai kisim 20-pla krismas na bihain bai nogat moa maining.

Bihain long dispela, wanem kain bikipela projek bai kamap long helpim ol pap graun. Long dispela as tasol, Agrikalsa Dipatmen aninit long Komyuniti Afes opis long Ramu NiCo i putim planti luksave i go insait long wok agriculture long ol impekt eria bilong Ramu NiCo Projek.

Wanpela bikipela wok agrikalsa progreman em long wok bilong planim kakao na lukautim gut long bringim kamap sampela mani autsait long wok fotnait bilong maining. Dispela wok tu i promotim o strongim tingting bilong nesenel gavman long sait bilong 'fud sekuriti' program.

Ramu NiCo i bin putim strongpela luksave long wok kakao stat long Kurumbukari i go long Basamuk na tu insait long Kostal Paipain stat long Banu Bris i go long Usino na bihainim Ramu Haiwe i go long Erima na katim Raikos haiwe i go long Basamuk.

Menesmen bilong Ramu NiCo i luksave olsem wanpela taim bai wok maining bilong nikel bai pinis na em gutpela ol papagraun i wok long kakao na ol narapela agrikalsa projek long helpim ol long kisim mani long bihain taim.

Olsem na Ramu NiCo agrikalsa dipatmen i save wokim planti aweanes na skul wok long ol impekt eria. Wanpela long ol dispela wokshop i bin kamap long Erima asples long Septemba 12 i go 16. Dispela wokshop i bin luksave long 2-pela bikipela as tingting; 1. CPB (cocoa pod borer) na 2. Sustainable livelihood decision making.

50-pela lokal kakao famas i bin kamap long dispela bikipela wokshop insait long wanpela wik long asples Erima autsait tasol long Madang taun. Dispela woksop em CCI-PNG Ltd (Cocoa Coconut Institute) I bin sponsa na Ramu NiCo wantaim Vudal Yunivesiti i bin wok wantaim long kamapim.

Ben Holu i makim Vudal Yunivesiti, Otto Lilam na Steven Posu i makim CCI na Ramu NiCo em Baniel Abuta, Samuel Masava, Aldam Bande na Set Winn i go pas. Ol displa man i gat bikipela save long wok fam na kakao.

Aninit long CPB, ol i skulim ol lokal fama long lukautim kakao, wanem rot long abrusim ol sik bilong kakao, wanem rot long yusim long stretim ol bikipela bagarap i kamap long kakao pinis, wanem samting long mekim long save long ples long lukautim kakao, rot long lukautim gut kakao na em i karim planti kaikai.

Ananit long sustainability livelihood, ol i skulim ol fama long how bai ol i lukautim ol



Lokal kakao fama long Basamuk.



Ol lokal famas amamas long kakao trening bilong Ramu NiCo.

wanwan kakao diwai na bai i karim planti frut na bai lukautim ol fama na ol pikinini bilong ol long bihain taim, rot long yusim ol lokal risos na save long lukautim kakao bilong ol, skulim ol yangpla fama long mekim gutpela disisen bilong ol na lukautim ol kakao diwai, skulim ol long kaikai gutpela kaikai na stap helti na strong, luksave long strong bilong ol wanwan fama na kamapim gutpela sindaun. Anenit long dispela het toktok, ol i luksave tu long wanem rot wanwan famili bai lukautim ol yet na kirapim gutpela sindaun na yusim gut mani ol i kisim long kakao bilong ol.

Ol i bin kamapim dispela wan wik woksop na soim wok long kakao demonstrasemj blok bilong Ramu NiCo long Erima we Ramu NiCo Projek i mekim kamap.

Ol bikipela saveman bilong kakao i tok klia olsemkakao tasol insait long kantri nau i givim bikipela mani na gutpela sevis i go long ol fama na manmeri husat i nogat wok.

Vincent Solo bilong CCI i tok inap mak long 150,000 famili insait long kantri husait i no gat wok i nau planim kakao na kisim helpim i kam stret long kakao bilong ol. Kakao nau i kamap wanpela namba 3 agrikalsa kes crop insait long kantri bihain

long kopi na kopra.

Vincent i tok i gat ol lokal teknoloji em ol fama i ken husim na bai i no inap westim bikipela mani tasol kaikai or fruit bilong cocoa bai bikipela sapos ol i lukautim gut kakao diwai.

Bikipela agriculture man bilong Ramu NiCo, Aldam Bande i tok dispela wok bung namel long Ramu NiCo na CCI i kamapim gutpela kaikai na em i amamas ol pipel i lukluk long fama wok na i no wet tasol long maining wok.

"IPDM – Integrated Pest Management and Disease Control sistem em i no nidim bikipela mani tasol ol fama i ken husim lokal knowledge na kamapim wok long wei bilong em na kaikai bai kamap," Mr. Bande i tok.

Mr. Bande i tok planti lokal fama nau i no gat mani so ol save man i tokim ol long husaim save na risos bilong asples na taim ol i gat mani bihain orait ol i ken husim mani long kamapim quality na gutpela kakao

Wanpela gutpla samting long dispela woksop em ol planti yangpela man i bin kamap long kisim skul na save long wok fama bilong kakao.

Wanpela bilong ol em Kris Martin bilong

Umboldi asples long Saidor Distrik. Kris i tok dispela skul i givim gutpela na bikipela save long em we em i ken nau wokim wok fama i no blong em long nau tasol but dispela kakao em planim tete tasol bai i stap longpela taim na ol pikinini bilong em na ol bubu bilong em tu bai kisim helpim long bihain taim.

Aninit long het toktok personal viability na sustainable livelihood decision making, ol i lainim planti gutpla samting olsem wanpela kakao diwai ol i planim bai i no inap dai hariap tasol bai givim kakao yet long ol fama insait long longpela taim stret.

Ol skul man i tokim ol olsem taim ol i planim cocoa, ol i mas save gut olsem ol pikinini bilong ol long bihain taim tu bai kisim helpim na ol i mas planim moa kakao long nau bilong bihain taim bilong ol.

Kris i tok tu olsem kain tingting bilong smukim spak brus, drink bia na yawa, wokim stil pasin na ol kainkain birua pasin long em i nau pinis na em i laik mekim moa wok cocoa faming na kamap gutpela manmeri bilong PNG. Em i askim ol narapla yangpela manmeri long senisim pasin ka groim kakao nau na bihain taim bai no inap tingting planti.

Taim Ramu NiCo Projek i bin kamap insait long Madang, agrikalsa dipatmen aninit long Komyuniti Afes i bin kamapim strongpela program insait long wok agrikalsa.

Ramu Projek i bin kisim ol bikpla save man arasait long kantri na insait long kantri i kam long skulim ol papa graun long wok agriculture we i ken kamapim gutpla kaikai na tu ol i ken salim long kisim extra income, na i no ken wet tasol long pei bilong maining tumas.

Ramu NiCo tu i gat bikpla tingting olsem taim maining i pas bihain long 20-pela krismas, ol papagraun bai i wok strong long fama wok olsem planim na lukautim kakao na sindaun bilong ol i mas gutpela yet.

Tu, dispela wok faming bai strongim stret tingting bilong national gavaman long "food security" insait long kantri we ol famili i mas i gat gutpela na planti kaikai olgeta taim na noken silip na kirap hangre

Ritim gen next wik nambawan Tok Pisin niuspepa bilong you, *Wantok Niuspepa* long save moa long Ramu NiCo Projek we i kamap insait long Madang Province.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

*Wanpela
Ramu NiCo,
Wanpela
Komyuniti*

Gobe Mein Risos Limited em nupela ambrela kampani bilong PDL 4 projek

James Kila I raitim

Gobe Main Risos Limited em nupela ambrela kampani we i makim ol papagraun bilong Gobe PDL 4 Projek insait long Sauten Hailans provins.

Siaman bilong Gobe Main Risos Limited, Paul Keikei i tokaut long dispela long Tunde insait long wanpela midia konfrens wantaim ol niuslain long March Girls Risot long Gaire, Sentral provins.

Mista Keikei i tokaut long dispela bihain long Nesenel Kot i no luksave olsem narapela kampani long pastaim, Kiki Risos Sevises Limited bikos dispela kampani i no trupela ambrela kampani we i makim ol papagraun bilong Gobe PDL 4 eria.

"Mipela i makim maus bilong ol manmeri bilong ples stret, na dispela kampani Kiki Risos Sevises em giaman kampani we liklik lain tasol i kamapim na wok long paulim mani bilong turangu ol pipel bilong ples," Mista Keikei i tok.

Ol i rausim ol narapela lain husat i paulim mani bilong ol pipel na i yusim long haiarim kar, pilai pokis na painim meri long Mosbi na tu-

rangu ol manmeri long ples i kisim taim i stap.

Em i tok olsem Gobe Main Risos Limited wok klostu wantaim ol papagraun insait long 4-pela ILG na wanem mani ol i kisim bai go long helpim ol projek developmen insait long ples. Dispela kampani bai wok strong long sevim intares bilong 5,000 pipel insait long PDL 4 eria long Semberigi insait long Sauten Hailans provins.

Mista Keikei i tokaut tu olsem kampani bilong em i givim ripot i go pinis long polis na ol lain long wok painimaut i go insait long wanpela K4 milien mani we menesmen bilong Kiki Risoses i kisim long ol wok projek, tasol mani ya i no go stret long wok.

"Mipela no laikim ol giaman pepa papagraun tasol husat i save raun nating nating long Mosbi na pilai pokis, paulim ol meri na haiarim kar i paulim mani bilong pipel bilong ples," Mista Keikei i tok.

Ol mausman bilong ol ILG insait long Gobe PDL 4 eria i bin givim toktok tu long sapotim Gobe Main Risoses. Ol dispela mausman em Peter Eiyu, husat em ILG siaman makim Tipurupeke, Hauka Rake na



Siaman Paul Keikei bilong Gobe Main Risos Limited wantaim ol papagraun bilong Gobe PDL 4 eria i sanap arere long nambis long March Girls Risot. *Poto: James Kila*

kaunsila Max Apua wantaim Keapo Kombukalo.

Wanpela meri lida One Halia i bin givim toktok tu olsem kampani mas

luksave long wok bilong ol meri long ples na helpim ol.

Misis Halia i tok olsem pastaim kampani, Kiki Risos i no bin helpim

ol meri. Ol i kisim mani long Kokopo na ronawe na lus tingting long helpim ol meri na ol pipel bilong ples.

Sapot stap long Makam rot maket

...Askim ol bisnis na kampani long givim bek ol mani

Veronica Hatutasi i raitim

ASKIM i go long ol bisnis haus na ol kampani husat i no bin bihainim stretpela rot na kisim mani long Nesenel Plening long givim bek ol mani bilong gavman.

Minista bilong Nesenel Plening, Sam Basil, i tok olsem bihainim askim bilong Makam memba, Tony Iguan, husat i bin askim long mani bilong ol distrik rot maket we sampela long ol i wok long wet yet long en.

Mista Iguan i tok em bin putim askim long pastaim Nesenel Plening Minista, Paul Tiensten, long katim mani bilong stretim na sanapim gut ol rot maket long Makam bikos planti pipel i save ron long haiwe namel long Madang na Lae na i kam tu long Hailans eria. Na ol rot maket long Makam i save sevim gut ol pipel i ron long haiwe.

Em i askim tu sapos i gat sampela rot maket mani i stap yet long manimak inap long K1.4 bilion ol bin katim long dispela wok. Na wanem ol distrik i kisim pinis helpim long dispela mani, sapos rekot long dispela i stap na sapos ol i ken tebolim dispela long palamen.

Minista Basil i tok i gat bikpela korapsen, paulim na stilim pablik mani i stap insait long dipatmen na em i sanapim pinis ol wok painim long glasim ol samting i karamapim yia 2008, 2009 na 2010.

Em i askim ol bisnis haus, ol kampani na ol wan wan manmeri husat i bin kisim mani long dipatmen long rot i no stret long givim bek ol dispela mani.

Em i tok em bai Saplimenter i baset i bin kamaut pastaim we bai katim mani long dispela ol rot maket na serim i go aut long ol dispela we i bin putim askim, tasol Makam bai kisim spesel atansen.

Long wankain taim tu, Minista Basil i tok ol bai sanapim imejensi helt pos long Makam haiwe bilong sevim planit ol pipel in save ron i go i kam long haiwe rot. Na sampela i save kisim birua bilong kar long haiwe we sampela isave dai long en.

Stap longwe long mariwana na hombru

Bustin Anzu i raitim

NOGAT wanpela mama i bin karim em wantaim mariwana o dringim stim na kolim ol nem olsem drag na stim bodi.

Em ol yet i painim taim ol i kamap man o meri, dispela tingting em Provinsel Polis Komanda bilong Westen Hailans i givim long indipendens de.

Superintenden Kaiglo Ambane i tok taim ol pikinini i kamap man ol meri, ol yet i kisim ol smok o dring nogut na bagarapim ol yet. Ino taim mama i karim ol.

"Mama i no karim ol olsem drag bodi o stim bodi. Nogat, mama i karim ol gutpela pikinini tasol taim ol i stap long graun, ol yet i tingting long kisim ol dispela samting na ol i bin kisim na bagarapim ol yet na kamap wantaim kain kain stail na nem.

"Papa mama bilong ol i karim ol gutpela tingting long kamap bikpela na kisim ples bilong ol insait long Komyniti na Sosaiti, tasol ol yet i gat narapela plen long laip bilong ol, olsem na ol i kisim marijuana na stim," PPC Ambane i mekim dispela toktok long indipendens aniveseri toktok bilong em long Mount Hagen Sekenderi Skul long las wik Fraide.

Ambane i tok planti samting long kantri no stret long wanem, ol yet i laik wokim samting long laik bilong ol. Em i tokim ol sumatin

olsem pasin bilong respektim wanpela narapela ino moa stap long ol. Planti bilong ol nau ino save long pasin bilong laikim na givim bel long narapela.

Em i tokim ol sumatin long stadi gut long skul wok bilong ol na kamap sampela lida long bihain taim na kisim ples bilong ol.

"Mi askim yupela olgeta sumatin long lus tingting long pasin bilong kamap drag o stim bodi, tasol mas mekim gut long skul na kamap sampela gutpela lidaman meri bilong provins na kantri long

bihain taim," em i tok.

Em i tok tu olsem sia em holim em ino bilong em tasol bilong ol lain husait bai igo bihain long en. Wankain long ol narapela wok i stap olsem administreta, loiya, dokta na ol narapela wok bilong gavman na misin na bisnis tu.

Dispela 36th indipendens aniveseri em Mount Hagen Sekenderi Skul i kamap. Narapela tu i bin kamap long Queens Park, we provinsel gavman i bin kamapim.

Dispela tu i gat planti manmeri na singsing grup i bin go na lukim we Gavana Tom

Olga i givim toktok long en.

Sekenderi skul bung em skul i bin kamapim long opim wanpela sains klasrum bilong ol we, ol i laikim Memba bilong Hagen Open na Minista bilong Maining, William Duma, long opim tasol em i no bin kam.

Tasol em i givim wanpela K20, 000 i go long dispela indipendens aniveseri.

Pamme Hire Car, wanpela haia kar kampani i givim K5, 000 i go long stretim ol sumatin husat ol i bin singsing long dispela skul dei.



PPC Superintenden Kaiglo Ambane i givim toktok long 36th Indipendens Aniveseri long Mount Hagen Sekenderi Skul. *Poto: Bustin Anzu*

TORO



BIABIA



KANAGE



TOKWIN

**Gavman tok tru long
sia bilong ol meri o?**

Gavman singaut long palamen
sindaun long dispela mun long
toktok long bil bilong ol meri,
tasol dispela i no bin kamap.
Long dispela wik palamen bin
sindaun gen, wanpela meri
tasol husat i stap long sia bi-
long em long palamen longpela
taim nau em Ledi Carol Kidu.
Tasol taim em save askim ol
gavman long askim bilong em,
ol man memba long palamen
save bik maus long en na

mekim sampela kain pani toktok
long em. Dispela kain ating bai
dispela risep sia bilong ol meri
ya bai nogat pawa bilong em tu
ya.

Stilman ministra ronawe...

Memba bilong Pomio i save
olsem ol polis i wok long painim
em long misyusim bikpela moni
mak long 1.2bilien bilong gav-
man moni. Tasol бага yah i hait
long ol polis long Kokopo na
kisim balus na go hait long Bris-
bane long Australia. Nau mipela
harim stori olsem em kisim

balus na go long wampela ples
long Caribbean ol i kolim Cayman
Ailan we ol moni man tasol isave
stap long hap. Em kisim moni we
long baim balus na go stap long
dispela kantri. I soim olsem yu
rong pinis na yu ronawe. Na yu
ting bai yu stap olgeta long
hap? Han bilong gavman i long-
pela tru. bai yu kisim yet.
Mipela sampela wok hat tru na
peim bikpela takis mani na yu-
pela ol pipiaminista i ken stilim
na yusim long laik bilong yu?..
Kalabus wetim yu i stap...

Tokwin tasol...

T	M	M	U	S	M	U	S	P	L	P	D	B	I	N	E	N
M	U	M	U	T	P	U	R	N	E	A	W	S	C	V	N	P
Y	R	D	F	R	U	P	W	A	X	L	U	R	Y	I	A	L
I	U	I	K	Y	D	A	C	T	U	A	O	S	S	U	I	E
P	K	L	D	O	N	K	I	N	F	I	G	H	L	M	O	B
O	P	R	T	Y	K	I	F	A	X	C	P	E	T	E	S	K
F	U	S	I	P	O	O	R	T	B	B	M	I	X	M	I	I
L	I	U	Y	T	R	E	R	D	F	I	J	K	K	E	K	B
K	S	I	P	S	I	F	Y	O	C	N	Z	A	V	K	O	R
A	Q	W	E	R	K	D	F	G	S	A	P	P	I	O	B	I
U	P	K	R	U	U	I	O	F	K	T	F	O	T	Y	K	A
S	W	R	A	E	S	N	E	K	A	A	T	S	P	O	A	L
D	O	K	I	P	S	D	F	G	H	N	J	A	K	L	L	P
W	A	S	D	T	U	C	G	U	I	G	S	B	E	G	B	Z
K	D	F	G	H	K	L	F	O	Y	T	R	G	P	N	Z	T
Q	F	G	P	U	K	P	U	K	K	L	P	O	F	A	X	A
A	N	I	S	N	M	E	U	L	M	A	K	A	U	L	S	B

Painim ol dispela nem bilong ol animal na binatang:

ANIS	MUMUT	MUSMUS	BINEN
BULMAKAU	BATAPLAI	BIKBEL	MURUK
PUSI	KAU	KAKARUK	KOKOROS
PLUKPLUK	KAPUL	DOK	DONKI
LAUS	LANG	BLAKBOKIS	PAUL
PALAI	MEME	GRASOPA	BINATANG
SIPSIP	SNEK	NATNAT	PIK

3		5		6			9	
					8		2	5
4	7	2						
	4	6	8		3		1	
7			4		9			6
	9		6		7	2	5	
						1	7	9
9	3		1					
	2			4		8		3

7	8	5	1	4	9	2	3	6
1	9	4	2	6	3	7	5	8
3	6	2	7	5	8	1	4	9
2	1	6	8	9	5	3	7	4
5	3	9	4	1	7	6	8	2
4	7	8	3	2	6	5	9	1
8	2	1	5	3	4	9	6	7
6	4	3	9	7	1	8	2	5
9	5	7	6	8	2	4	1	3

**Ansa
bilang
las wik
Sudoku**

K	L	A	S				K	T	E	R	O	L	H
	L			P		L	A	I	N	I	M		A
P	P	E	N	S	I	L	U					U	S
E	A		V		K		N					S	K
N		S		A	S		I			S		L	N
					A	K		M			L	G	I
P	L	A	K	M	A	S	U			I	N	N	P
								L	P		I	I	
H	A	R	I	M	T	O	K		B	K	S	M	N
			G						O	O	I	B	E
		N						T			I	P	N
W	I	N	I	M	S	K	U	L				K	I
									M		D	T	K
F	A	U	N	T	E	N	P	E	N	I	T	A	B
									K			M	O
									S			U	T
B	L	A	K	B	O	T		P	L	A	K	S	

**Ansa
bilang
las wik
Pasol**

EMTV Television Guide

9.50 – 10.30AM GRADE 7 SCIENCE 10.40 – 11.15AM GRADE 8 MATHEMATICS 11.20 – 12.00PM GRADE 8 SCIENCE 12.30PM EMTV MIDDAY NEWS DEPT OF EDUCATION CLASSROOM BROADCAST CONTINUES.... 1.00 – 1.40PM GRADE 6 MATHEMATICS 1.50 – 2.30PM GRADE 6 SCIENCE 2.30 – 3.00PM DEPI PROGRAMME STATION OPEN KIDS KONA 3.00PM G MAGICAL TALES 3.30PM G HI-5 4.00PM G THE PYRAMID 4.30PM G THE SHAK 5.00PM G <u>RUGBY WORLD CUP</u> DAY 8 HIGHLIGHTS 5.55PM G CRIME STOPPERS 6.00PM G NATIONAL EMTV NEWS 7.00PM G <u>TOK PIKSA SPECIAL</u>	9.00PM A A CURRENT AFFAIR 9.30PM G <u>RUGBY WORLD CUP</u> WEEK 2 HIGHLIGHTS 10.30PM G NATIONAL EMTV NEWS REPLAY 11.30PM G MOBIL 1 THE GRID 12.30PM AUSTRALIA NETWORK	12.00PM EMTV MIDDAY NEWS 3.00PM G MAGICAL TALES 3.30PM G HI-5 4.00PM G THE PYRAMID 4.30PM G THE SHAK 5.29PM G EMTV NEWS UPDATE 5.30PM G MILLIONAIRE HOT SEAT 6:00PM G NATIONAL EMTV NEWS 7.00PM G HAUS & HOME 7.57PM EMTV TOK SAVE 8.00PM G KINGAL MINISTRIES 8.30PM PG THE FARMER WANTS A WIFE (SERIES PREMIERE)	12.30PM AUSTRALIA NETWORK	5.00PM G RUGBY WORLD CUP DAY 9 HIGHLIGHTS 5.55PM G CRIME STOPPERS 6:00PM G NATIONAL EMTV NEWS 7.00PM G <u>THE WORLD AROUND US</u>
TUNDE , SEPTEMBER 27 2011				
5.00PM G JOYCE MEYER Religious program 5.30AM G TODAY DEPARTMENT OF EDUCATION CLASSROOM BROADCAST 9.00 – 9.40AM GRADE 7 MATHEMATICS 9.50 – 10.30AM GRADE 7 SCIENCE 10.40 – 11.15AM GRADE 8 MATHEMATICS 11.20 – 12.00PM GRADE 8 SCIENCE 12.30PM EMTV MIDDAY NEWS DEPT OF EDUCATION CLASSROOM BROADCAST CONTINUES.... 1.00 – 1.40PM GRADE 6 MATHEMATICS 1.50 – 2.30PM GRADE 6 SCIENCE 2.30 – 3.00PM DEPI PROGRAMME	5.00PM G JOYCE MEYER Religious program 5.30AM G TODAY DEPARTMENT OF EDUCATION CLASSROOM BROADCAST 9.00 – 9.40AM GRADE 7 MATHEMATICS 9.50 – 10.30AM GRADE 7 SCIENCE 10.40 – 11.15AM GRADE 8 MATHEMATICS 11.20 – 12.00PM GRADE 8 SCIENCE 12.30PM EMTV MIDDAY NEWS DEPT OF EDUCATION CLASSROOM BROADCAST CONTINUES.... 1.00 – 1.40PM GRADE 6 MATHEMATICS 1.50 – 2.30PM GRADE 6 SCIENCE 2.30 – 3.00PM DEPI PROGRAMME	10.00PM G CURRENT AFFAIR 8.30PM M 24: REDEMPTION (2-HOUR EPISODE) Kiefer Sutherland stars in this Emmy Award-winning drama in which the entire sea- son takes place in one day, with each of the 24 pulse-pounding episodes covering one hour and presented in real time. 11.30PM G EMTV NEWS REPLAY	12.30PM AUSTRALIA NETWORK	5.00PM G RUGBY WORLD CUP DAY 9 HIGHLIGHTS 5.55PM G CRIME STOPPERS 6:00PM G NATIONAL EMTV NEWS 7.00PM G <u>THE WORLD AROUND US</u>
7.57PM EMTV TOK SAVE 8.00PM G SEA PATROL (SERIES PREMIERE) Damage Control	7.57PM EMTV TOK SAVE 8.00PM G <u>RUGBY WORLD CUP</u>	10.00PM M <u>WEDNESDAY NIGHT MOVIE:</u> 11.45PM G NATIONAL EMTV NEWS REPLAY 1.00AM AUSTRALIA NETWORK	12.30PM AUSTRALIA NETWORK	5.00PM G RUGBY WORLD CUP DAY 9 HIGHLIGHTS 5.55PM G CRIME STOPPERS 6:00PM G NATIONAL EMTV NEWS 7.00PM G <u>THE WORLD AROUND US</u>

Ol Program na Kilok i ken senis oltaim...

Lockyer no inap pilai agensim Manly



BAGARAP: Lockyer i kisim bagarap long gem las wik agensim Dragons.

I GAT tupela moa gem i stap we Broncos kepten, Darren Lockyer, i laik pilai bipo em i pinis long ragbi lig.

Tasol Lockyer i tokaut dispela wik olsem em bai no inap pilai dispela Fraide agensim Manly.

Em i tok, em i gat bilip olsem ol yangpela pilaia long tim i gat inap save na strong long winim dispela gem na kisim ol i go insait long gren fainol long wik i kam.

Matt Gillette bai kisim ples bilong em long namba 6.

Lockyer bai no inap pilai bihain long em i kisim wanpela bagarap long ai bilong em insait long gem bilong ol agensim Dragons las wik Sarere long Brisbane.

Lockyer i bamim pes bilong em long lek skru bilong wanpilai bilong em, Gerard Beale, taim ol i resis long kisim bal.

Insait long dispela bagarap, mak bilong bruk (fracture) i kamap long bun i raunim ai bilong Lockyer (eye socket).

Lockyer i bin pilai yet bihain long dispela hevi long las 13 minit bilong gem wantaim pen, na i kikim fil gol long winim ol Dragons 13-12 long ekstra taim long win.

Win bilong Broncos i lukim ol bai pilaim Manly

Sea Eagles dispela Fraide, na tim i win bai go long gren fainol long wik i kam agensim narapela tim husat i win insait long gem namel long Warriors na Storm we bai kamap dispela Sarere.

Ol dokta husat i givim operesen long em long Sande moning, i amamas long wok bilong ol na i tok, em i no luk olsem wanpela bagarap bai kamap gen.

Kosa, Anthony Griffin na ol dokta i tok ol bai lusim Lockyer yet i tok sapos em i laik pilai dispela Fraide agensim Manly long semi fainol o nogat.

Ol Broncos i no bin tokaut tru long bagarap bilong Lockyer, bihain long gem tasol long Sande moning em i kisim operesen long han bilong dokta bilong pes, John Arvier, na dokta bilong ol bun na masol, Peter Myers.

Griffin i tok long Sande moning olsem operesen i kamap gut, ol bun long pes bilong Lockyer i no bagarap tumas na i stap strong yet olsem na sapos em i pilai long Fraide gen, em bai no inap kisim bikpela moa bagarap tumas.

Ol dokta i putim 5-pela ain long strongim bun long lephan sait bilong pes bilong em.

Em i bilip Lockyer inap long pilai yet tasol em i

lusim Lockyer yet long tok sapos em i nap na tu luk-luk long em i ron long tren-ing pastaim.

Tasol long wankain taim, bipo tim dokta bilong Australia Kangaroos, Nathan Gibbs, i tok Lockyer i nap long bagarap ai bilong em sapos em i pila wantaim kain bagarap long bun bilong ai bilong em.

Dokta Gibbs i tok dispela bun we i save holim ai bilong em i stap long ples bilong em, bai stap ples klia yet taim em i pilai.

Em i tok ol Broncos i mas lukluk gut pastaim bipo ol i lusim Lockyer i pilai.

"Long Fraide, em bai wanpela wik tasol na pes bilong em bai no inap drai gut yet.

"Dispela em priliminari fainol gem olsem na ol i mas tingting gut sapos em bai pilai na kisim moa bagarap o tingim pes bilong em na malolo," Dokta Gibbs i tok.

Ol Broncos bai pilai Manly long Sydney long lukim husat bai go long gren fainol na wetim tim i win namel long gem bilong Warriors na Storm we bai kamap long Sarere.

Warriors i daunim Tigers las wik long bungim Storm dispela wik.

Besta FA Kap Semi Finols Draw

Bai stat pilai long October 1, 2011

Men's Draw

Lae Football Association VS Bougainville (Venue-Lae)
Public Servants Soccer Asosiasi VS Hagen (Venue-Pom)

Women's Draw

Lae Football Association VS Kimbe (Venue-Lae)
Public Servants Soccer Association VS Wabag (Venue-Pom)

Winners will proceed to the show down for the Besta FA Cup on October 8, 2011 in Lae.

Namba tu PNG tim bai redim ol pilaia bilong bihain

Andrew Molen i raitim

DISPELA wiken bai gat tupela tim i makim Papua Niugini long ragbi lig agensim Australia.

Wanpela em sinia tim, PNG Prime Ministers 13 Telikom Kumuls, na narapela em PNG Rugby Football League Emerging Team.

Dispela "Emerging" tim em ol i mekim long ol yangpela pilaia husat i no go insait long Kumuls skwat.

Krismas bilong olgeta long dispela tim i stap namel long 18 na 24.

Interim siaman bilong PNGRFL, John Numapo, i tok astingting bilong kamapim dispela tim em long helpim wok developmen bilong ol yangpela PNG pilaia bilong bihain taim.

Em i tok dispela taim bai pilaim wanpela skwat bilong Australia we i gat ol wankain yangpela pilaia olsem.

"Mipela i laik redim ol yangpela pilaia bilong kantri long bihain taim bai ol i save long pilai long dispela kain bikpela gem taim ol i go insait long Kumuls.

"Astringting bilong mipela tu em long redim ol pilaia bilong makim PNG long 2013 wol

kap," Numapo i tok.

Ol pilaia long dispela tim i no nupela long pilai ragbi lig, olgeta i save pilai insait long Digicel kap resis.

Skwat bilong dispela tim i sanap olsem, Michael Gawi (Lae Tigers), Tiger Emere (Lae Tigers), Thomson Teteh (C) (Goroka), Jack Marcus (Gurias), Adex Wera (Goroka), Israel Eliab (Gurias), Sebulon Ragi (Vipers), Bobby Mori (Vipers), Noel Joel (Vipers), Junior Pangogo (Gurias), Sebastian Pandia (Vipers), Henry Wan (Hagen Eagles), Mark Mexico (VC) (Lae Tigers),

Sonny Daing (Warriors), Sydney Fred (Lae Tigers), Elvis Dick (Goroka), Whelma Jerrick (Wigmen), Spiro Mikaive (Goroka).

Kosa em Peter Danga, namba tu bilong em, Gabriel Kiluwa, het trena, Jamuga Stone, tim menesa na fisio em Mathew Natusch na dokta em Dokta James Naipao.

Gem bilong PNG Emerging Team bai kamap bipo long gem bilong ol Kumuls na Australia PM's 13 dispela Sande long Lae.

Pasifik sempion kosa tok em i no isi

Andrew Molen i raitim

TUPELA wik i go pinis, Steven Mune, i kisim luksave olsem wanpela sempion kosa insait long Pasifik.

Dispela i kamap bihain long em i kisim nesenel soka tim bilong ol meri long PNG i go winim namba tri gol medol bilong ol insait long tripela Pasifik Gems.

Win bilong Mune i stat long namba 12 Saut Pasifik Gems long Fiji long 2003, taim ol i winim gol medol namba wan taim tru.

Long 2007, em i kisim tim i go na winim bek dispela gol medol long Samoa long namba 13 Saut Pasifik Gems na long stat bilong dispela mun, em i mekim gen dispela win long 14 Pasifik Gems long Nu Kaledonia.

Tasol Mune i tok, wok bilong em i no isi.

"Wok bilong kosim tim bilong ol meri em i no isi, tasol mi lainim planti samting long wanem mi mas mekim bai ol i harim tok na bihainim tingting na toktok bilong mi," em i tok.

"Planti bilong ol i lukim mi pilai

bipo na sampela i nogat tasol mi tokim ol, 'sapos yupela i laik pilai olsem mi bipo o sapos yupela i laik putim mak bilong yupela yet long gem, orait, harim tok na mekim samting stret long trening na gem'," Mune i tok.

"Mi amamas olsem ol i sanap strong na wokbung wantaim na mipela i winim namba tri gol medol bilong kantri insait long tripela Pasifik Gems," em i tok.

Planti long ol pilaia husat i bin stap long tim bilong Mune long 2003 na 2007 Gems, i no bin stap long skwat i go long Nu Kaledonia dispela yia tasol wankain tingting na strong bilong pilai we Mune i bin givim long ol olupela pilaia, i go tu long ol nupela husat i werim PNG yunifom dispela yia tu.

Wanwan sinia pilaia olsem Miriam Manta na Deslyn Siniu, i go pas long ol yangpela.

Na bihain long 2-1 win bilong



KOSA: Mune i toktok wantaim ol niusmanmeri bihain long win bilong PNG agensim Fiji long semi fainol. *POTO: Andrew Molen.*

ol agensim Nu Kaledonia long fainol, ol i no lus tingting long kosa bilong ol.

Olgeta pilaia i holim pas na sanap raunim em na kalap na singautim em nem bilong em; "Ste-ven, Ste-ven..."

Mune i tok, dispela i soim olsem ol i luksave olsem ol hatpela trening na toktok em i givim long ol em bilong kain win olsem.

"Bikpela amamas i mas go long ol yet long sanap strong insait long gem wantaim planti presa i kam long ol asples

sapota na tu long asples tim.

"Ol i wokhat na sanap strong long soim olsem yumi long PNG tu inap long soka na planti arapela bikpela spots olsem," Mune i tok.

PNG tim nau i wok long redi long 2015 Pasifik Gems we bai kamap long Mosbi na husat i kamap olsem kosa bilong dispela sempion soka tim bilong ol meri, i ken luksave long wok na bikpela mak Mune na ol pilaia bilong em i putim pinis long las tripela gem.

Lae redi long Kumuls gem...

Ikam long bek pes...

PNG Praim Minista, Peter O'Neill, i tok amamas tu long dispela pilai na astingting bilong en long mekim aweanes bilong pasin bilong paitim ol meri.

"Dispela em i gutpela tingting bilong gem na wanem kain risal i kamap bihain long gem, tupela tim wantaim i win.

"Ol i pilai wantaim gutpela astingting olsem na ol i mas kisim gutpela luksave na biknem long en," O'Neill i tok.

Gavman bilong em tu bai putim K200, 000 i go insait long kamapim na ronim dispela gem

wantaim ol wok aweanes bilong en.

Treseri, Wallis Pingin, i tok PNGRFL i luksave long LRL long gutpela wok bilong en long holim ol bikpela pilai olsem 2010 Bemobile Kap gren fainol na tu, 2011 Digicel Kap gren fainol we bai kamap klostu.

"Dispela ol kain pilai bin pulim planti sapota na tu, Lae em i olsem namel ples na isi long ol manmeri na sapota i go lukim pilai.

"Long dispela, ol i tok orait long holim dispela pilai," Pingin i tok.

Em i tok ol lain bilong em i

redim pilai graun bihain long ol i kisim toksave wanpela fotnait i go na ol i stretim olgeta samting pinis na wet tasol long pilai dispela Sande.

Kaup i tok, taim ol i kisim toksave, ol i stopim ol lokol LRL kompetisen bilong ol long redi long en.

Taim dispela bikpela pilai pinis, em bai ol i lukluk gen long ol pilai bilong ol yet.

Em i tok dispela tu i mekim ol fainols bilong Digicel Kap we inap kamap long Lae, i no kamap yet.

I gat polis na sekyuriti stap we bai lukautim pilai na mekim isi

long ol sapota na famili husat i go lukluk.

Kaup i tok planti taim ol sapota bilong NRL i save lukim ol pilaia bilong ol long TV na nau bai ol i lukim ol stret long ai bilong ol yet.

Olsem na polis bai kam wantaim strong long mekim dispela pilai wanpela gutpela pilai stret.

Ol tiket em bai ol i salim long get long taim bilong pilai na i no olsem bipo we ol i save salim long narapela hap.

Get fi em K25 na gren sten em bai K100.

Get bai op long bik moning yet.



2015 Pasifik Gems i mas gutpela olsem 1991 Saut Pasifik Gems

14 PASIFIK Gems i pinis nau na olgeta lukluk bilong yumi mas i go tasol long 15 Pasifik Gems long 2015 we bai kamap long Nesenel Kapitoll Distrik bilong Papua Niugini.

Taim mi tok olsem "olgeta lukluk bilong yumi mas i go" long en, mi min olsem, yumi mas tingting na wokhat long winim dispela gem.

Yumi mas winim planti moa medol long ol arapela kantri husat i kam pilai long dispela taim.

Long wanem na mi tok olsem?

Mi mas tok stret bilong wanem mi laik bai 2015 gem i mas kamap gut tru olsem 1991 Saut Pasifik Gems.

Yumi soim gutpela strong long apim mak bilong yumi go antap long dispela 14 Pasifik Gems, tasol yumi mas wok hat moa long kisim planti moa medol long olgeta spots we bai kamap long dispela taim.

Long 2015 bai olgeta manmeri bung raunim olgeta spots long lukim hamas moa medol yumi ken winim long ol.

Bikpela tingting bilong olgeta tim na pilaia na tu ol sapota em long winim gol medol bilong kantri.

Yumi bai mekim wanem long winim kain planti medol olsem?

Wanpela rot em long lukluk i go bek long namba 9 Saut Pasifik Gems long hia na lukim ol kain wok redi na trening bilong ol pilaia na ofisol we i kamap bipo long gem i kam stat.

Ol trening na developmen wok long dispela taim i bin nap long mak bilong wol na ol etlit husat i kisim dispela trening i resis long ovasis tu.

Dispela i apim mak na level bilong ol etlit na i gem bilong ol i strong tu long taim gem i kamap.

Wankain ol wok redi long trening na developmen bilong ol spots na ol etlits na ofisol i mas kamap nau bilong 2015 Gems.

Tasol yumi bai no inap lukim dispela ol samting i kamap gut gen olsem long 1991 SP Gems sapos yumi no kisim gutpela sapot i kam long gavman na praivet sekta.

Dispela tupela grup i bin givim bikpela helpim tru long 1991 long lukim olsem ol samting i kamap na ron gut.

Ol manmeri tu i bin pilim gutpela olsem ol i bilong wanpela kantri tasol na i pas gut wantaim long sapotim tim bilong ol.

Long 1969, wankain sapot bilong gavman na praivet sekta i go long gem tu ol i helpim gut tru long kamapim na ronim gem.

Ol i bin givim wankain bikpela sapot gen long 1991 we i helpim kantri long kam namba wan ples bihain long gem i bin stat long 1963.

Tingim olsem, ol manmeri bai no inap tingim 2015 long ol bikpela haus na stedium na pilai graun ol i kamapim bilong dispela gem, tasol ol bai tingim hamas medol kantri winim long dispela taim.

Ol manmeri tu bai tingting long PNG i kam namba wan ples na i no long namba tu o tri ples.

PNG Sports Federation and Olympic Committee na PNG Sports Foundation i mas putim het bilong ol wantaim nau na wokbung long stretim ol dispela samting.

I nogat moa taim i stap long wet.

Yumi olgeta i mas mekim samting nau!

DIANA

Now Bigger at 425g

✓ Wankain Teist

✓ Wankain Prais

✓ Plenti Mit



Proudly
PNG
MADE

Manufactured by
RD Tuna Cannery Limited



Niupela
piksa tasol
wankain
mit



Lae redi long Kumuls gem

PM O'Neill amamas

Bustin Anzu na
Andrew Molen
i raitim

BIKPELA nois bai kamap long Lae siti dispela Sande taim ol PNG Praim Minista 13 Kumuls i brukim bung wantaim Praim Ministas 13 bilong Australia.

Dispela pilai bai kamap long Lae Ragbi Lig (LRL) pilai graun we i nogat wangepa intanesenel gem i bin kamap longpela taim liklik nau.

Presiden bilong LRL, Rass Kaupa, i tok amamas long Papua Niugini Ragbi Futbol Lig (PNGRFL) long luksave long Lae olsem wangepa bikipela ples we i ken kamapim o holim ol bikipela ragbi lig pilai insait long kantri.

Em i tok, ol i mas salim

kain ol pilai olsem i go aut long ol arapela ragbi lig provins bai ol sapota i ken lukim ol pilai bilong ol yet i pilai wantaim ol arapela kantri olsem Australia we ol i save lukim tasol long TV.

Kaupa i tok tu olsem, ragbi lig em wangepa bikipela pilai insait long kantri na i save pulim planti manmeri na long kisim i kam long Lae, bai pulim planti manmeri kam lukim.

"Dispela em wangepa bikipela pilai bihain long las pilai we i bin kamap long 1996, namel long PNG Kumuls na British Lions," em i tok.

Kaupa i harim tu olsem planti manmeri insait long tupela nupela provins, Hela na Jiwaka bai kam daun long lukim dispela pilai.

Moa long Pes 27



OL I KAM:
Ol Kumuls
laik winim
Australia
long Lae

BOROKO MOTORS



Manufacturing Trailers NOW!

LED lighting

Tridem Suspension

K Hitch Axles

40ft tri-axle flat top trailer

BOROKO MOTORS

For Enquiries Call us on: 472 1144

Email: info@borokomotors.com.pg
Website: www.boroko-motors.com

